



Poex: 1246





2530


1869 11. 387











Frid. Zamell

PHILYRA SECUNDUM RECEPTA

Sive

Phallosthenes exarmatus.

Typis Bodenhausianis

anno M. DC. XXXIII.

Illustrissimo Heroi a c Domino

D. AXELIO OXEN-
STIRNIO L. B. IN.

Cymitho, Domino Fiholmi & Tydoes, E. A. S. R. M.

*Svedicæ Senatori & Cancellario, ad Exercitum in Germaniâ Legato,
partiumq; ibidem Regiarum Gubernatori Gene-
rali &c. &c.*

Revoluta est, Domine, vix dum anno in orbem
redeunte ipsa veluti temporis acti series; belli
prioris facies in hoc nupera ita exhibita, ut i-
psum in scenam productum videri possit. Scenam, in-
quam; at maiorem. Consilia, conatus, locus, anne
tempus, prælii exitus, omnia paria ac fere eadem. Soli
hostium Duces mutati; quod fieri necesse erat. Nam
quòd idem penè fatum utrumq; exciperet; ille, qui ex
vulnere diem extremam maturius obiisset, ut non su-
peresse jã, ita nec interesse huic conflictui poterat. A-
liquantò majore armorum vi animorumq; contenti-
one jam nunc depugnatum est. Tunc ipso Te exigente,
ut rem in carmen conferrem, Tillium Tibi Exar-
matum offerebam: Et si quid temporum memoriâ di-
gnum eveniret, ut eodem filo pertexerem, Tua volun-
tatis argumentum interpretabar. Phallosthenem igitur
talem ab eadem fortunâ Tibi transmittito. Verum
ut officium meum Tibi non ingratum fore non dubito;
ita esse nonnullos scio, qui cùm ab elegantioribus Mu-

sis ipsi longè sint, ex vilitate triobolarium ac vermili-
um Poetarum non tam Poeticen astimant, quàm Poe-
seos in me non coacta tam apertam professionem vitu-
perant. Et jam nondum integro vertente anno in a-
nimo ad dolorem molli duplicem plagam, sed clam sed
eminus, acceperam ab iis, qui Heliconi indormivisse
videbantur ipsi. De cæteris non est tamti. At ve-
rò acuti mentes seculi! quorum absq; supercilio atq;
solicitudine esset, jam nec præstantioribus, ut dicunt,
artibus, quas æquè cū ipsis colo, suus constabat honor.
In campo quasi degimus, inter arma: ad militaria ta-
men castra illi non respiciunt. Ea non Imperator aut
Tribunus solùm, sed & calo & lixa ingreditur: quorū
sordibus si quis offensus ordinum ductores despiciendos
contemnendosq; putet, cordatorum nemini, ut digi-
tum tollat, persvaserit. Habent & Musa sua castra:
sunt in illis alii instar Ducum, Decarcharum, sunt alii
velut gregarii, lixa deniq; Apollinares non alio, quàm
militia, jure, ordine. Turba est opicorum, quæ Medi-
corum nomen non ambit, sed arrogat, non adfectat, sed
venditat. Sunt non pauciores, qui nova simulataq;
pietatis sensu chartis illito mendicitatis probrum ob-
velant, quò aut misera vite presidium, aut avaritiæ
nutrimentum quarant, deteriores iis, qui in ponte A-
ricino sedebant: quòd illi, quid sibi fieri vellent, citra
ambagem ederent, vile raudusculum latrantes; hi,

dum aliena virtuti inferuisse se simulant, ejus, quem colunt, judicio relinquunt, quanti virtutis sua venerationem faciat. Medicumne igitur audire, aut sacrosanctis studiis se mancipasse, in crimine erit? Certe qui dixerit, nec pro sano dixerit. Adde quod praestantissimi clarissimarum Gracia urbium Romanæq; Reip. Imperatores adeoque Dictatores, Consules artem Poeticam cum rei militaris peritiâ ita conjunxerunt, ut melioresne Poeta an exercituum Duces essent, ambiguum reliquerint. Nec desunt hodieq; quibus ad summa rerum gubernacula sedentibus illud studium non dedecori sed laudi, nec impedimento sed adjumento esse aquâ & aere hoc liquidius apparet; Philosophâ diratio sanè antiquissima, ac veluti ipsâ naturâ monstrante inventa, proinde adeo inevitabilis, adeo percommoda, ut ^{non} nisi cum voluptate utilitas, non sine utilitate voluptas hæreat. Quib. viris si me, si mea viburna istis cupressis; quantum inter gradus dignitatis fortunæq; interlucebit! Nec parùm multos tamen videas, qui licet genesin Poeticam non habeant, invitâ tamen, quod ajunt, Minervâ aut Musis potiùs reluctantibus ad scribendum prosiliunt, non tam pleno gradu, ut sibi videntur, ad laudem condendi carminis euntes, quam & se & pulcerrimas rerum occasiones consumentes. Qui, tametsi hoc ipsis in crimen valere nolim, ut Vatum tamen in familiâ censeantur,

antur, me suafore haut-quaquam allaboraverint.

Ceterum cum optimi Regis GUSTAVI illius Magni, qui nunc ad immortalitatem receptus est, gratam memoriam conservare cujusvis nostrum sit; in me convenire imprimis putavi, ut quâ facultate promptius ac felicius possem, animi mei adfectionem exprimerem: simul ut Tu haberes, Domine, observantia mea erga Te Testem hunc atq; pignus alterum, viri post æternum Numen nulli nisi patriæ patriæq; DIs obnoxii. Nititur opella hæc mea, heros illustrissime, solâ famâ, sed qualis non subito expirabat. Vides ipse, dum in spatio me non metâ abjungentem vides. Æqui boni igitur ut facias, oro: sed ita, ut quæ certiora sunt, à culmine Celsitudinis Tuæ temporum fastis condendis exorata velim. Interim Tu & reliqui Proceres Orbis & Reip. nostra feliciter agite: cujusq; loco estis, ejus in mentem, in facta ite, hostibus Fidei Septemtrionisq; formidabiles. Dabam Elbingæ anno m. r. M. DC. XXXII. prid. Cal. Januar.

Tuæ Celsit.

devotus

Frid. Zamelius.

Bella per asoreas iterum nascentia terras
Persequor, extremos turbare Caesaris ausus
Illatumq; nefas Misena colentibus arva:
Vtq; novo Martore Gothus vix unius anni
Mensibus exactis sub Iberi jura redactam
Cæperit, & patriis reparatâ pace dynastis
Reddiderit Philyran, divorum munere pando;
Regis ut Arctoi, Superum qui jussa sequendo
Infames animas armis victricibus ultus
Asseruit sacra digna Deo, pia facta nepotes
Gratantis memori discant à carmine Vatis.

Rex, qui sublato mortalibus otia ferro,
Qualiaq; imberbi Iove secula mundus agebat
Reddere, & Ausoniam condentem sacra deosq;
Ignoros cælo, quales obruderet Orbi,
Et fractis bello populis, frenare parabas,
Nunc quæ jussa Gothus non exiit arma, ruentis
Vt scelus Imperii crudeliaq; ausa ceteræ
Vindicet Hesperia, deus alto Numino firmasq;
Debita pars nuper cælo, nunc addita divis,
Si qui sunt Superi, turba qui vota precantis
Æternæ referunt menti, quæ cuncta gubernat,
Et rata sic faciunt animis, quod Roma fatetur
Tu mihi votorum præses veracior adsis:
Da facilem cursum, da mittam vela per altumq;
Quæq; juvant alios hæc inferiora relinquens,
Teq; decusq; Tuum magno jam Numine fultus
Intuear vatesq; Tuus parsq; alma Tuorum.
Vera referre juvat: quorum clarissima fama
In nullas abiit corrupto iudice partes,
Non odi generis, quo stat Romana potestas
Incolumi, cura cui sunt mea turba Poeta;

Nec studiis eversa novis jacet: omnia praesens
Non dubiâ congesta fide testabitur ævum.
Quæ merces victoris erat, non capta supellex
Nec rutilans aurum (nempe ille hæc præmia dixit
Militis esse sui) sed gestigloria belli,
Hæc erit & nostri, livor vesane, laboris.
Si Tibi quid nuper turpis peccavit agyrtæ,
Ingenii sit culpa mei: seu carmina folles
Nostra vocas; æquis, precor, auribus accipe, soli
Me dare virtuti, quod natum in pectore nostro,
Quod rerum dominus probeat & Mens proxima Regi.
Laudo; si quid erit, quo Tu rem promittis ornes.

Rursus ad Astræ Sol flexerat aureus astrum,
Iam celeres promorat equos, caudâq; minacem
Scorpion urgebat: tam ea post tempora cladis,
Quâ cecidere duces Misena per arva Latini,
Integer exierat revolutis mensibus annus.
Ensigner Elysiæ jam Saxo subegerat urbes
Auspicio Gothici Regis confusus & armis
Militis Arctor: quem Rex dura verat usus
Bratisilæa decus populi, quâ pulcrior omni
Nulla est Teutoniâ, nec latior altera cælo
Teutoniæ claras inter caput extulit urbes,
Ipsa opibus numeroq; potens & robore gentis
Guttalem perfusa vadis in fœdera Regis
Venerat, & pacis leges acceperat aquas.
Miseno vicina Duci concesserat olim
Hexapolis, regio ditissima frugis & auri,
Vberitate suâ dirâq; cupidine Regum
His in visa viris, quos ora Sydetis agrorum
Limitibus jungit, viresq; experta potentum.
Iam Gothicas acies in rura Boemica constat

Victorem

Victorem movisse pedem, Latiusq; manipulis
Praesidio caruisse loci formidine belli
Caesareos proceres duce cum Phallostene capros.
Rura quidem infames viderunt Norica turmas,
Cinxit & Austriaco delirus milite ductor
Urbem, quæ Latini servat diademata Regni,
Nunc fidam sceptris, quæ Tu Gustave gerebas,
Maxime Rex, cæleste genus, nunc reddite cælo.
At viso, cives tamto jam nomine fisos
Iam sociis auctos contraria in arma ruisse,
Degeneres animi, tantumq; per arva feroces
Queis assertor abest, ploratusq; inter anileis
Digna suo ductore cohors loca tuta petebat.
Illum, non quales jactat, natalibus ortum
Præclaris equidem, sed nullo Principe claris
Teutonicigenens, posuere in culmine rerum.
Ejurata fides & sanguine lata tyrannis,
Pectus iners, horrensq; metu, strepitusq; faciscens
Soricis, aut mota ventorum turbine laminae.
Sæpe dedit pœnas equitis calx innula fidi,
Sæpe puer plorans eliso gutture solvit,
Sæpe utero fetus pendens ab arbore matris
Decidit, aut matris perit pendens in alvo.
Facta fides, Gothicos numquam numerasse Tribunos
Sub signis tot corda suis, quot miseris Orco
Marcomanus nimium fera per suspendia ductor.
Immanem referent natorum seculâ mentem,
Triste nefas. Furiasq; suas jam cæde peractâ,
Et demum viso miserorum funere fassam.
Ut Lygias urbes externo Marte teneri
Vidit, & Arctoas Miseno limite turmas
Longius arctas, nec Sole cingere sub uno

Bella, sed Alpinis Regem concurrere Bojū,
 Ductores populo diversi incumbere tractūs,
 Saxonia nudasse Ducem, quas possidet, arces
 Milite, & hostileis securum affligere terras,
 Ad fraudes conuersus ait, nunc illa gerendi,
 Quam licuit sperare, data est occasio belli.
 Quod si Tilliada non rite piavero manes,
 Nec Latinis penitus Sveonas submovero regnū,
 Quamta tamen, temerasse fidem, nec Caesaris ira
 Nec precibus motum Gothicus hæsisse ceteris,
 Et ferrum strinxisse nocens in viscera Regni
 Imperiū, caput, totq; ac ria gentis Ibero
 Pectora Lethæas nuper misisse sub undas,
 Quamta tamen, dixit, sit noxa ea Saxonis, edamo
 Cum mittam infestas, Phineia monstra, volucres
 Per sata Miseni perq; horrea lauta coloni.
 Exinde, ut fibris concepit Erinnyas imis
 Dispicens quoscumq; dolos artesq; nocendi,
 Olcam ad se vocat, attonitus cui munia Caesar
 Proxima militia dederat, serua arma secutum
 Sumere cum posset: quo non sceleratior alter
 Romuleos inter fertur vixisse Tribunos;
 Quos habeat motus, quàm tristes nutriat ausus,
 Quàm fœdi sensus animo, sacris ore docente
 Horribili, horrissono: si quæ miseranda peregis
 Seu facie possunt, terrore seu more doceri.
 Vile illi, patrum miseras absolvere cedes,
 Corpora nū matrum, matrum nisi ab ubere raptos
 Aut utero matris patrum iunxisset acervis,
 Innuba virginiei non amplius ora pudoris
 Iam flore erepto, truncis à vulnere membris
 Componens patrum gremio ludibria fati.

Idem quo satius more alia pectora nossent,
 Quamti caelestes faceret; contemtor apertus
 Raptabat multo sedatos pulvere vultus
 Mystrarum, & querulis lacerabat corpora ferris.
 Ingresso scelorum eamto consorte Tribuno
 Tecta Ducis, Dux ipse prior sic ora resolvit:
 Olca, ingens Latii Martis decus, & mihi dudum
 Notior his studiis, duri quibus alea belli
 Ducitur, in terras patrio procul Orbe remotas
 Dux Eumondorius desertis arcibus ivit,
 Nullo ruricolis nullo custode relicto
 Urbibus: exigua sedes Drevena cohortem
 Continet & Rupes quæ Regia nomine dicta est.
 Tempus adest, quo se magni Iovis ales & almi
 Caesaris, Enfigero tandem ipsi spectus, inultam
 Non finit: ac Cereris plenas exurere villas,
 Et tenuis vulgi jugulo defigere ferrum,
 Si satis esse negas; quali superabimus arces
 Indole, quæ cultæ gentis dominabimur oris?
 Nunc eadem Titan, quæ signa reliquerat, intrat;
 Robore militiæ fissas cum terruit urbes
 Ductor & admotis domuit Carceius armis,
 Ereptas iterum, seu tunc contraria votis
 Fata deum nostris essent, seu crimen haberet,
 Et lueret belli temeraria cæpta sinistri
 Dux stimulum famæ discrimina sola secutus.
 An dubitem, modò non ardor virtusq; resedit
 Pristina, confusam per bella laceffere curbam?
 Quæ via sit tentanda, doce; quid cæpta secundes
 Reddidit huic Cimber: Si quid committere Saxo
 Marti opportunum potuit, dux inclute, nostro;
 Hæc erat. Et mecum belli momenta putabam

*Antè per innumeros volvens subeuntia casus.
 Moliri non parva iuvat : stet summa laborum
 Ingenti cæpto, dum spondent tempora palmam :
 Ne segnes medio in cursu fortuna relinquant.
 Quâ patet, ingressi totam populabimur oram :
 Quicquid agi ferriq; nequit, ferrumq; recusat,
 Hauriat ignis edax : terrore replebimus urbes,
 In vacuas civis si viderit isse favillas
 Ruris opes, factasq; hominum sub mœnibus ipsi
 Horruerit cædes atq; ora informia tabo.
 Ingenii res illa mei est : qui pectora gentis
 Cimæriæ cognata traho, non docta moveri
 Casibus humanis, non dediscuntia parvæ
 Ad lacrimas turba dignum Mavorte furorem.
 Quod caput est, omni tamen ut regione potiri,
 Et captas urbes excluso Principe possis
 Imperio premere, & sub maiestate tueri
 Ausonii Regis, virtute & milite multo
 Usus erit : non his illum prohibebimus armis
 Non certè, Boreâ iunxit qui castra relicto,
 Heroem Gothicum. Nam quas seu maximus Ister,
 Seu Lycus accepit turmas flumenq; Suevum,
 Limpidus aut Mœnus potat Rhenusq; bicornis,
 Coniunctis ibunt animis Nisena receptum
 Oppida, & à nobis sumtum pro crimine pœnas,
 Papinium Mavorte satum, cui colla Caycus
 Supposuit, ejus virtutem ripa Visurgis
 Vtraq; miratur, damnantem milicis usum
 Septima sub galeâ quem non ostenderit æstas
 Ardorem tolerasse Canis, vel septima durum
 Brumatulisse gelu, tamta hæc in prælia poscat.
 Sunt acres animi, sunt fortia pectora turmis*

Quas Gericā vexit longinqua per equora pinna
 Rex Aquilonaris: qui regna potentibus armis
 Teutona permensus clarat sua bella tropæis
 Duxq; sagax, milesq; acer, consorsq; pericli.
 Alter enim patrius egressus hic Annibal oris
 Arte novā bellumq; gerit, populosq; fatigat
 Ausonio gravis Imperio, metuendus & Urbi,
 Quam pax alta fovet tot conservata per annos
 Religionē Ducum, sive hos reverentia prisci
 Avertit decoris bello, clariq; per Orbem
 Romulei generis decantatq; triumph:
 Quos nisi laudis amor Gothici præcordia Regis
 Exemplo stimulans, postquam data copia belli,
 Armorum paribus studiis equare labores,
 Aut factis superare optet, sine vindice gentis
 Teutonice staret jam conciliata potestas
 Romanis Aquilis volucrumq; insigne gerenti.
 Dixerat: in verbo pars advenere Senatūs
 Maxima Picolamas, nec avitos Seroxa furores
 Musarumq; astus, funesta sed arma professus,
 Et solā notus populis Alemanidos oræ
 Fraude Coloredus, nec non Montegnius audax,
 Trux & Abantagius, temerata nomina lingua:
 Quam Gothus & Cimber Saxoq; prioribus annis
 Confudit patriis Italos effusus in agros
 Vocibus, hæc fidei sarta sub Sole remoto
 Hibridas ad patrium missurus pignora cælum.
 Queis Dux ipse prior: Bellum quia tempora s'vadent,
 Arma moriente foris, sua qui indefensa relinquens
 Gustavum sequitur, Misenæ Principe terra,
 Exiguos autem numerant mea castra maniplos;
 Papinii nostras augeri milite turmas

Consultat Olca sagax. Quae sit sententia vobis
 Nosse operae pretium est. Tum quas inferna praeisset
 Eumenis, in voces gemini erupere Tribuni:
 Sufficit in pradas vastandi sufficit agris,
 Nos habuisse duces. Undabui sanguine tellus
 Si jubeas, variaque dabit spectacula caedis
 Hesperius miles: tamen ut Philyreia pulcro
 Marte domes iterum & defendas moenia victor,
 Seu Dreſtam spebus verum est accedere nostris
 Claram opibus Laribusque Ducum, munitaque Saxa
 Perfugio gentis; non, si sunt improba nobis
 Pectora, committas pugna discrimina paucis;
 Sed Ductoris opem, cujus timet arma Bataurus
 Olcâ Praefecto non vana monente requiras.
 Assensere omnes. Vestrum quae puncta notavi,
 Sunt eadem, Dux inquit, & hac ego tuta probaram
 Consilia. & vestris laetor non irrita vocis.
 Nec certe Illyricus, nisi me sententia fallit,
 Abnuet Isolamis: quem turba secuta virorum
 Cui sitis armorum, cui sola ferocia cordi.
 Inde Byſaſtericas qui nuntius iret ad urbes
 Castraque Papinii fidesque hac condita ceris
 Perferre decreta, citi properare juberetur
 Dorso inVectus equi. Totas accepit habenas
 In campum sonipes: fertur, ceu prae petis ala
 Remigio volucris, ceu missa sagitta per auras.
 Sexta dies aderat, cum castra rubentia vidit
 Lictorei vigilesque Ducis: mandata ferentem
 Imperio Domini portae admisere patentes.
 Ut sanctem audire Ductor, tabulaeque resolvit
 Vincula, seque illinc lecta cum robore turba
 Acciri vidit, quamvis victoria nostro

Sic nutu & fasces lata mihi deferat ora,
Qua cum Teutonico jaceat contermina Ponto,
Teutonici late colitur clarissima caeli;
Ibo tamen, tamen ibo, inquit: mea sensiat Arctos
Arma Gothusq; ferox: faciam, regionis ademptæ
Rectorem se Saxo ferat, dum tuta per urbes
Præsidia Imperio quas sitas sanguine terras
Servabunt constanter fide. Sine Numina cælo,
Sint aliis rebus; res nostræ sorte ferantur;
Sorte meâ vineam: cui Marte probatus & algu
Miles ad arma venit. Nec si tamen ulla Latinos
Respicit Augustos Romanaq; secula condit,
Qualia Cumæa foliis afferat Sibyllæ,
Cura deûm, nostris a versa putabitur armis.

Dixerat ingentem Gradivus Marcis amorem
Ostendens vultu quem pulcra senectus obibat
Dux animo dextrâq; valens, nulliq; priorum
Inferior virtute Ducum, nisi cruda tyrannis
Nè dira impietas insigni crimine mentem
Fregerit ingenuam, moreq; fugaverit almum
Extulit hunc cellus Germanâ stirpe cracum
Germanis habitata viris, que Norica præcis
Dicta fuit cælo tunc aspersore soloq;
Nunc Cereris viniq; ferax gratissima Baccho.
Multus adhuc puerum primis exercuit annis
Eximiusq; labor: solido jam robore iudex
Mirari doctes indefessumq; vigorem
Primores Latii corruptum munere pectus
Et decorum cumulo jam causa Caesaris æquum
Implevere odio patriæ, Furisq; Latinis.
Continuò aquareas urbes arcesq; minacem
Cæcorum populis & proxima rura Sicambre

Defen:

Defensore novo firmat, numerumq; cohortis
 Præsidiumq; explet superas moturus in oras.
 Urbs est Saxonibus Tubisurgia dicta vetustis
 Solis ad exortum cultis vicina Cheruscis,
 Brunopolin præsens ætas vocat, ubere terræ
 Et studio artificum felix multosq; per annos
 Congesto censu, longo vix libera bello,
 Quod patriæ cives pro libertate gerebant.
 Dissita non procul est, pluvios quæ respicit Austros,
 Quæ videt obliquè sublimi vertice colles
 Astrigerum Meliboe Tuos abscondere cælum,
 Arx valido muro fossisq; ambita profundis.
 Fisa loco, dubiaq; uligine tuta paludis.
 Graja Lycaoniam gens nominat, accola Saxo
 Velphorum indigitat patrio sermone Butellam,
 Quam populi coluere Duces. Cum dura timeres
 Tillius arma Goethi, perfrasis fraude dynastis
 Invasit quas nunc Cæsar sibi vendicat arces.
 Hac iter intendens, armorum ut pondere fessos
 Et fame languentes relevaret militis artus,
 Dum metuit tergo Cactos in finibus, altum
 Præteris Abnobiū: cuius juga dextera turmis
 Quò postquam venere acies, septena quieti
 Lux agris concessa animis, & frugibus almis
 Legiferæ Cereris solvit jejunia miles.
 Papinius moris jam duxerat agmina castris,
 Iam vicina Tuis adduxerat, Halla, Salinis:
 Halla preens opibus, quas falsior unda ministrat,
 Sub Tua cum nondum venisset mœnia ductor
 Hesperius: qui post in Te sua vulnera luxit
 Aspirans Acherontis aquas Strygiamq; paludem.
 Sume mares animos: Tua culmina præterit hostis

Diis sperata Tuis. Si quid Tibi miles Ibero
Abstulit, exiguo referet labor in probus aro.
Rumor ut attentas Phallosthenni appulit aures,
Adventare Ducem, genitum quem Marte secundo
Fertur Alemulidum grex eduxisse dearum,
Exemplo Austriacas & quas Gabreta dedissent
Rura jubet signis erectis ire cohortes.
Securum invadunt populum, non ulla timentens
Bella solo patrio, sed latum Principis armis,
Sape quibus victor submorum fregerit hostem,
Fidentes animas caeptis rebusq; secundis,
Quas malè defenso peragebat limite Princeps:
Digna patrat tanto miles Duco. Fæda per agros
Exoritur facies: jam clara incendia lucent,
Ac flammis ruitur crepitantibus arca dives
Fragibus exustis, & quos mortalia corda
Præcipuè sitiunt, vi recluduntur acervi.
Iam cædes sit secula virum: miserasq; maritas,
Dum passis ululant, passis ad stupra capillis
Virgineumq; trahens sceleratus calo pudorem,
Cogitat infames dira inter gaudia mortes:
Iamq; puer matrem implorans jam funera plorans
Aut ferro cadit aut inter vestigia duri
Miliis eructat disrulsæ per oscula vitam.
Sævitum in laceros stratorum corpora vultus:
Pars tenui superans spiramine mersa profundo
Limoso perit: fractâ cervice pependit
Altera turba iugo: partem qui tecta domorum
Miserat in cineres populator tulit ignis.
Fæmineos artus durâ jam morte rigentes
(Horrendum dictu) Venerem explevisse nefandum,
Fama quidem dubia est, at consona turpibus ausis.

Ipse virum novi, qui lustra bis egerat octo,
 Cui thalami consors geminas enix a puellas
 Non aliam tulerat prolem carissima lecti
 Pignera, & annosa solatia firma senectæ.
 Ante puellares nudato corpore vultus
 Fune caput vinctus, tectum quò proderet aurum,
 Duriter intorto pater est spectare coactus
 Virgineum incestas florem corrumpere mentes;
 Qui vidit nimium miserandus, ut impius ensis
 Iam Venere expleta confuderit ora gementum,
 Corporis & secti tenuissima frustra cruentus
 Miserit in calat hos belli spectacula miles.
 Ut primum agrestes tantus furor hausit inermis,
 Oppida jam Ductor Sudericus urget & urbes;
 Qualibus exiguos ponit for s infima muros,
 Excelsumq, negat vicina potentia culmen.
 Nec modus heic sceleri, nec quod scelus esse fatendum est
 Vel leve crimen erat: solumq, immania turpes
 Audebant animi, nec nota prioribus annis.
 Quicquid & in villis miles commiserat atrox,
 Vilis esse puta: successu audacia crevit.
 Infantum series Busridis audiat aras,
 Audiat & Phalarin: satis hac truculentia parvis
 Terrendis animis: satis est Tibi Gracia simplex
 Non alios Latiumq, vetus novisse furores.
 Tempus adest, post rot Lunæ Solisq, labores,
 Quo non humat, sed adhaerent conjugia membra.
 Corripiunt tantum, quantum consortia larvæ
 Nostra petunt similes Dirarum a sede profectæ.
 Nam si quid rigidi viderunt secula moris
 Illa, quibus vitæ præsentia commoda sensus
 Noxerat exterior, non noxam aut præmia doctus

Gestorum, nexu quæ sunt speranda solutis
Corporeo; sperni cum religione deorum
Dipotuerant ipsi, quos mundo obruserat error
Cum mentem colimus, magno quæ Numine firmas
Res hominum & Superum, justâ de lance rependens
Factorum expectes per non vaga gaudia Soles,
Aut scelerum meritis æterno carcere poenas;
Celestine adeo est horrenda professio veri?
Sic pietas, Latii quam curia Præsulis armat,
Delusas animas & nunc fera bella perosas
Mancipat ætherio per sacra nefaria Regi?
Tullia des habeat, Phallosthene improbe, laudes
Quas bello meruit: dicantur & impia facta.
Non hic Milziades fixis Tua corda tropæis
Sollicitat, quem Tu factis crudelibus æques.
Vicisti feritate novâ. Fors vena Poetæ
Vilius æterna poterit transmittere fama,
Quod peccavit Iber: superant Tua crimina voces
Naturæq; modum.
Non ego, si centum possem mihi sumere linguas
Dicturo quodcumq; nefas, calamoq; decenti
Autor non vanus mansuris tradere chartis
Omnia quæ dirus Dux execranda peregit,
Vterer ingenio: ne postera noverit ætas,
Ne scelerum forsan discant exempla minores.
Eximat hæc series venturi temporis ævo:
Nec superas redeat tam tristis Erinys in auras.
Venerat Hattensi grandævus Ductor ab æge
Et sua Misenis tentoria fixerat oris,
Bojemis hærens conjunctâ mente catervis.
Olca prior Philuræ muros tentare jubetur,
Ereptasq; recens Romanis partibus arces.

Paruit ille Ducum jussus, urbiq; propinquat;
 Aggereg; oppositi circumdare mœnia valli
 Instat, & assiduo dat tempora prima labori
 Noctes atq; dies: ascendit machina summam
 Castrorum molem, clausam quæ terreat urbem
 Fulmine: quod dicunt (quamvis tunc crimen abesse
 Perniciesq; virum) Æoliden Salmonæa primum
 Iratis fabricasse diis: industria cives
 Pectora pro patriâ coeunt certare parati,
 Horrendumq; ciuiti conitru paribusq; resistunt
 Incensi studiis: utrimq; per aera ferris
 Excussi aut silicum ardentes sonuere procellæ.
 Ut bellum vidit cives tolerare sub armis
 Impatiensq; mora Cimber metuensq; futuri
 Ad Proceres mittit complexas talia ceras:
 Servatis optent salvam si civibus urbem,
 Resq; suas; dedant talem sub Rege futuram;
 Teutona qui sceptris antiquo jure Latinis
 Adserat Imperia atq; æterna fascibus Urbis;
 Sin contrâ obniti malint; ut Caesaris hostes
 Quas constet poenas vicina luisse, daturus.
 Cui Patres, postquam congressa corona Senatûs
 Tota suas eadem dedit in suffragia voces:
 Principis esse sui, quas idem insederit, arces
 Milite non pauco: nec portâ, admittere quemquam;
 Qui per Misenos bellum circumferat agros,
 Spontis id esse suæ. Quod si sit copia dandi,
 Quæ petat Olca; tamen se religionem teneri.
 Ille ubi consulei vidit responsa Senatûs
 Asper & admissis semel irritator iris,
 Nempe, ait Enfigero stolidi servabitis urbem;
 Quam subito in cineres ignis deponet inaneis.

Dixit: & admotis per lata suburbia flammis.
Vsit opes humilis turbae, populatus amœnos
His ipsis hortos structos à divite censu.
Iamq; crepant iterum reboantq; contrua fusi
Æris in humanas Stygis atræ munere clades.
Non segnes herere animis, lamentaq; cives
Edere, sed patriæ pars hæc defendere muros,
Alter a Vulcanum tectis arcere propinquum.
Ecce autem interea dum fumo obscurior aer
Lucem oculis aufert, tenebrasq; offundit inertem;
Ignotum muro tacitè successerat agmen,
Et tormentorum vaser hostis ademerat usum
In mediâ rerum dubio caligine civi.
Mœnibus Olca videns equidem se posse potiri,
At si defensor non exuat arma supremam
Vitæ impensurus, quam despera verit auram,
Non sine profuso certam fore sanguine palmam;
Destinat ad populi mandata secunda Magistras:
Gramineas frustra civem adfectare coronas,
Nequicquam sollers sumtis qui sudet in armis
Iam victus nisi victoris discrimine parvo
Inter pauca neget vitæ inter valla necisq;
Dent fidas igitur dexteras, patriæq; ruinam
Obsequio vertant Romanum in nomen ituri.
Esse aliquam, sed quam solo à victore salutem
Accipiant, sensère Patres civesq; miseri
Servandæ jam non genitorum vulnere prolis.
Castra petunt gemini Primorum ex ordine lecti:
Contribuunt totidem Philyræa templa Minervæ:
Qui pacem excorent æquam, qualesq; paciisci
Iure Ducis sarti liceat Misena tenentis
Arva, suis referant non duro fœdere leges.

Rumor

Rumor erat, patrias rediisse ad propria turmas
 Vulgatus castris primum: nec talia cives
 Auxilia obsessos animent, si nuntius idem
 Scringeret urbanas pennas velocibus aures,
 Annuat Olca preci; pateat modo porta cohorte
 Praesidio admissa, fugiatq; hostilia civis.
 Ingressos Proceres pactis cum talibus urbem
 Subsequitur legio: non sufficit illa ferendo,
 Ampla licet, numero: Ductor fora milite complet,
 Augustasq; domos, & egentum tecta Quiricum.
 Postera depulerat stellas aurora micantis,
 Cum summi venere Duces, praestantior armis
 Papinius, belli commissis major habenis
 Gabreta Princeps orae: jubet ille catervas,
 Quas superesse videt, totis excedere portis,
 Disponitq; tubos ignemq; aramq; mephitim
 Et dubios inter fumos sua tela vomentes
 Ensiseri contra munimina celsa Georgi
 Clausa hosti, nondumq; obnoxia Caesaris armis.
 Vim metuens Drelena cohors & inutile fatum
 Saxonia Domino, si quam dare nesciat hostis
 Vitam cum partis dulcem non auferat; arcem,
 Quam videat tametsi succumbere viribus, offert.
 Cessavere mina tormentorumq; furores,
 Tutaq; abijt Misena manus, gaudetq; recepto
 Deditione loco victor pro Caesare miles.
 Urbanos intra consedit nocte Penates
 Soller Papinius: campos vesanus apertos
 Ductor amat temere civi diffusus inermi.
 Ad sua conversus reduci cum milite Saxo
 Postquam conspexit late fumantia rura
 Atq; urbem didicit captam, quam Musa noxemplex

Mercuriusq; colunt, iustas accensus in iras;
Et tamtas, dixit, concepit pectore Divas
Ductor iners scelere hoc nimium crudelis! & insons
Regni turba mei perit! vastataq; tellus!
Oppidaq; firmasq; arces urbesq; superbas
Caesaris in vasti miles! suntq; hac mihi parca,
Dum licuit, fidei constanter permia cultae!
Aut quid suppliciter superum procumbimus aris,
Ne Ciconum populos, Scythicas ne Numina gentes
Finibus immittant nostris; cum verius ante
Exoranda forent, ne monstra hac talia nostri
Nostras in pestes paterentur vivere caeli?
Naturae exosas mentes si vincere nostrum
Non erit, Arnemi (praesentibus illa Tribunis
Dicta dabat) Gothici rursum pia Regis ad arma
Confugiamus, ait: caussam non negliget equam,
Qui nostras veniens Fidei Defensor in oras
Arma prior sumsit, profundere certus in armis
Sinceros animam cultus sincera secutam
Sacra Dei: cuius nullum consortia Numen,
Si quod inest animis aliud caelestibus, ambit,
Huic contra meritum breviter praefatus honorem
Teutonicis prognatus avis Arnemius, accui
Tradidit armorum Mavors Rhodopejus usus
Scitaq; commissae momentaq; singula pugnae
Aeris monstrans duris in collibus Haemi,
Saxonicis post sceptris Ducis vox altera Martem
Accendens seu bella premens: Quod cepit & ussit
Dux stolidus, nostrum est: neq; n. fiducia letis
Vlla sedet capitis: tamta est ignavia menti.
Solas nocte moras, Philyræaq; mœnia primum
Militi cinge Tuo; dein quæ deserta remansit,

Præf.

Presidiis regio firmetur, & omnibus oris
 Invigilent tutâ posita statione cohortes;
 Ille parens non belli arces non audiet astus
 Papinii; sed terga fuga temeraria vertet;
 Hæc immota tamen staret sententia nobis,
 Si non extremo positus cœli limine fati
 Cæsar opes munire suas aut perdere regnum
 Quæreret unius summo discrimine pugna.
 Ergo omnem Ausoniam movit Proceresq; Latinos
 Agminaq; Illyrica gentis Dacumq; ferocem
 Hactenus armavit: quorum pars maxima ferro
 Gentis Hyperborea cecidit, pars Numinis ira
 Immittente luem: patriis quibus ultor ab agris
 Non alius veniet, nisi quem coneraria nostris
 Castra tenent: qua si miles numerosior intrat,
 Tota tamen manus est, quâ stat Romana potestas.
 Cum pateat fœdis dirio Misenæ rapinis,
 Nec scelere abstineant, non, si sub mœnibus ipsis
 Proq; Tuis castris pubes apertissima bello
 Excubet, hostiles inter confinia turma;
 Cogimur infestis Martem committere signis.
 Si tamen, hoc ipso quia robore nititur hostis,
 Quo fracto nullam poterit sperare salutem,
 Sic quamvis Tibi durus eques, qualemq; iurabas
 His bellis habuisse, pedes sit pectore firmo,
 Inter inexhaustas dubia est victoria cædes;
 Nil temere audendum, donec conjunxerit armis
 Arma Tuis heros, cujus facta incluta cœlo
 Terra patens, nomen cui fecit Agenoris, effert,
 Non Libye, Soliq; tacet subjecta Syene,
 Non Scytha: qui missis faciem victoris adorat
 Muneribus. Sperent nihil illo immania viso

Postora;

*Pectora; vel nostro constet victoria nobis
Sanguine. Tum si quas jactat Forgalus acer
Isolamisq; ferox, si quas in praelia vires
Lesciades duxit: qua fudit Enopius audax
Aut Scodius dextrâ; quo se pugnare Tonanti
Robore Tercinius Corpasq; insanius audet,
Ostendant factis: nec Tu Phallos thenes armis
Inferior Ductore Tuo, nomenq; secundum,
Tuq; Benicausi vanis sermonibus aures
Hostileis lacera: si, Vastri, masculus ardor,
Si Veveli, si Breune Tibi, seu tanta, Merodi
Est animo virtus, quanta est facundia linguæ;
Seu Tibi Pistori: nec Te Viror se minorem
Hercynideq; negas, generis cui stemmata debes;
Tu quoq; Casarea Aquilas in bella secutus
Eridanum fugiens si laude moveris avitâ
Et gentis Gonzaga Tuae natalibus aliis;
Aut verus pater est nec per mendacia Mavors
Quasitus fuit Olca Tibi; quos exigit usus,
Hos praestare viros. & Tu Mavorte parente
Dignus in arma ruas: ut eant in premia laudum
Virtutem doctæ nullam contemnere mentes.
Sic ait, incusans jam non fera corda Tribuni
Illyrici Latiosq; duces, Te pessime Galla,
Teq; Coronini, vel Te Stryge Cerbere natum,
Nec vos Vindelicos extra commercia gentis
Misenæ positos, positos vel limine in ipso
Vos Aprostenios, & vos Herracide cretos,
Egoriosq; Duces, & sanus nobile thermis
Fugeriumq; genus, vel Te Maternica proles;
Aut quibus in visum Pierati Lucida nomen
Petra aedit: sed vos eritavo Duce Saxone natos*

*Sasigenas geminos Dominumq; Tubantidos ora
 In patriam in patrie stringentes viscera ferrum
 Interea in quas vis volvens miserrantia partes
 Lumina Dreßensis confusum ruris honorem
 Et strages hominum lacrimis adspexit obortis.
 Qualis odoriferis Arabum quæ saltibus altâ
 Arbore suspensos avis illi cognita genti
 Gaudet habere Lares, subolemq; his credere parvam
 Insidias metuens, dirum cum fortè colubrum
 Tendere prospexit sinuosi corporis artus
 Summa per arbusi & funesto incumbere rictu
 Pensilibus nidis, generis iam vulnere facto,
 Iam nece non dubiâ, silvas gemebunda pererrat,
 Et multo miserum luctu testatur amorem.
 Aut qualem catulis, cum fortè reliquerat antrum,
 Ablatis, rabies quos sæva peremerat ursæ,
 Fama vetus torvam memorat planxisse leonam;
 Iustis vindiciis, postquam, quò fugerat hostis,
 Nesciret rigida superare cacumina quercûs,
 Poscentem dextras hominum strictasq; secures.
 Rex pius extremis victricia signa Nariscis
 Inculerat, non Boje Tuus spatiaturs in hortis:
 Quos primi coluere Duces, Dux ultimus auxie
 Irriguos Isaræ præter labentibus undis.
 Quales vel Veneri coluit dilectus Adonis,
 Vel Mafsyle Tuas ajunt habuisse puellas,
 Nunc quoq; non illo tutos custode futuros,
 Qui positus fuerat, Libycum si litus obirent
 Herculis arma Gothi. Summa firmissima palma
 Anglopolis deerat sensim tractura ruinam
 Obsessis à Rege vis: qui parte relictâ
 Militia propius jam tendere Cæsaris aulam*

Pannonios inter superos sua castra parabat,
Cum steter ante Gothos Misenum missus ab oris
Pulverulentus eques; qui facta immittit gentis
Obscena memorans atq; inter singula moras
Vix cohibens lacrimas Regi sibi iussa ferebat:
Posceret hujus opem, Superam qui militet aris,
Et misera sub Rege suo passa q; furorem
Cogentis Domini sacra ad temeraria turba,
Quem metuane nunc Roma potens, Papaeq; secuti
Dardanida cultus: cui farris adorea parvi
Et Pharium Deus est Numen quod nascitur agris.
Illum, Eumondoris qui monstra immania caelo
Nuper abegisset, nunc si mala norit amici
Admissumq; nefas & militis ausa Latini,
Monstrorum segetem ferro victore resectum
Iret sponte sua (tamcum se fidere rebus
Atq; animis Gothicis) qua fas hac voce rogandum.
Annuit oranti Rex & spem fronte serenat,
Quoq; erat excelsa premit altum corde dolorem.

Postera lux aderat, roseisq; in vecta quadrigis
Nocturnas aurora polo dimoverat umbras.
Membra prior stratis domitor terraeq; marisq;
Excitat, exiguam dederat quibus ante quietem,
Secum animo volvens Miseni incommoda belli,
Tardatumq; decus palmae, cursusq; moratos,
Et laetum victoris iter, bellumq; futurum
Cum Duce non vano, si vanum attendere nolis
Marcomanum, belliq; exordia digna gerendi,
Venerat interea de litore missa Barabo
Fama bonum quo non aliud velocius ullum,
Certa satis, veriq; tenax, & prodita ceris
Principis Errici; cui sunt arbitria belli

Tradita Mattiaci: Tungros in fœdera Belgæ
 Devicto venisse Mosâ, quoq̃ uret in hostem
 Vectibus & claustris intum Mavorcia pubes,
 Occultas quæssisse vias sub fluminis alveo,
 Ac terra penetrasse sinus, Hecateng, triformem
 Et Srygias transisse domos horrentibus umbris:
 Qui certam referant pacem, misisse Namurcos,
 Cultoremq̃ soli populum, quo Nervius acer
 Fixerat antè Larem: diffidere rebus Iberam
 Bruxellæ Dominam: cui nunc erepta dolorem
 Silva Ducis moveat, domiti nunc Marte Batavæ
 Trajectus fluvii: nec leges condere, quales
 Gentibus imponat metuentibus arma nepotum:
 Poscere sed, quales victor non abnuat equus.
 Talia lictoreæ gentis succedere voto
 Latantis rerum Domini volat alter ad aures
 Nuntius: Exempti terrenâ sorte parentis
 Magnum ornamentum Ladilaum, dulce suorum
 Sarmatidum decus, & cognatam sanguine mentem,
 Nec Gothico, parvis per Moschica bella triumphis,
 Victori indecorem, majorum ad scepera vocari.
 Ille quod egregias atq̃ uno in pectore raras
 Conjundisset opes animi, studiumq̃ Minervæ
 Gradiviq̃ patris terror Tuus, impia Thracæ,
 Dum Roxolanas captis ingenuibus arces
 Verteret in visus gelidum potantibus Hebrum,
 Quodq̃ referret avos, quos Rex Arctous haberet,
 Hujus inhærebat gratissima cura medullis.
 Ergo, ait, ô Superi, pia respexitis ad arma,
 Hicq̃ inimicus Iber aut ista piacula solvit,
 Quæ trux Belgarum genitor commisit in oris
 Tunc sacra bella gerens, aut nunc quibus impia proles

Gaudet abesse modum superans immania patrum
 Ausa novis Furiis; heic Tu Ladilae potentum
 Jagelloniade Regum stirps, apraq; bello
 Dextra meumq; genus Regni moderaris habenas:
 Quod postquam natura Tibi voluisset avitum,
 Afferis ingenti Tibi nunc virtute, nepoti
 Asserturus idem meritis virtutis avia.
 At vobis dignæ stabunt encomia laudis,
 Incluta Lechiacæ consultaq; pectora gentis,
 Quos non externo subnixum robore nomen,
 Martia sed virtus hæc in suffragia misit,
 Vobiscum in quasvis certum est descendere leges
 Eternæ pacis; pacem si poscitis equam.
 Hornius ut Vispos nobis cognominis heros
 Terreat, ut subigat fraternas Cæsaris arces,
 Mittat & ut domitum iuga sub Borealia Rhenum,
 Gallica ducturus Gothicas in rura catervas,
 Nî pax, quam colimus, cultæ nisi pacis obessent
 Fœdera, vos nuper (sic agmina densa Tribunosq;
 Alloquitur primos) didicistis ab indice certo.
 Martia magnanimus semper fugit oria Baudes:
 Permeat ille Tuo gra'vis Agrippina colono
 Vicinam Menapis oram veteriq; Ceraso:
 Quâq; pedem ponit, nostris hanc adjicit armis.
 Auspiciis agimur lætis. Vos fidite cæptis,
 Teutonici Proceres, nec quem pia Numina finem
 Ostendunt nostro concessa per arma labori,
 Huncq; animum, aut animi dignas spes fallite nostri.
 Quod si que vobis victoria queritur ipsis,
 Hanc mihi nec verse temerant perjuria mentis,
 Fœdaq; proditio; jam conclamata jacebit
 Roma per Ausonias funus lacrumabile gentes.

Laudo

*Laude satur solâ, si me divina voluntas
 His bellis superesse voler, cùm victa triumphum
 Regna mihi dederint, patrias in Regna cohortes,
 Majorum quæ parta mihi pietate, reducâ.
 At tu serua animum, sanguis meus, Arctica pubes:
 Nempe ad Teutonicos via non erit altera portus,
 Quâ patriam repetas immensa per æquora terram
 Cumq; thori sociâ genialis pignera lecti;
 Quàm per Misenos colles per tela per hostes.
 Dixerat: ac studiis certare ingentibus omnes
 Et Gothus & Teuco, quasq; audax Belga probasset
 Ductori vires ac bello corda ferendo,
 Hac rerum Domino promittere sacra gerenti
 Arma Deo: non, si fuerit Germania pulsâ
 Hesperis, ajunt, bello defuncta Latino;
 Ardori satis est, hostem non cernere, nostro:
 Ille Tibi, seu Roma fugæ sive ultima Calpe
 Aut Ganges pateat nostro precul Orbe remotus,
 Quo demito imbellem grauis urget Celiber Indum,
 Rex Auguste, Tibi per vulnera nostra petendus.
 Hac facilem ad patrias sedes nec laude carentem
 Sternet palma viam. Tu viribus utere nostris,
 Tu virtute Tuâ; donec qui limine Regni
 Iussit abire sui, victus Te Cæsar adoret,
 Et Corybas Latius vexatam Atlantidos oram
 Exule eat. Sedet in vultu fibrasq; per omneis
 Mars sese insinuans odiis hostilibus implet
 Præstanteis animos. Quales è rupibus altis
 Viderunt aquilæ prædam cùm valle profundâ,
 Nunc ipsæ admittunt iras, nunc pectora cari
 Parva acuunt generis: firmis annicitur alis
 Maternos jam docta sequi nova turba volatus,*

Docta suas vires, nec sanguine nescia fuso.
 Vngue quid hamato quid rostro possit adiungo.
 Spadicem primus generosa matris alumnus,
 Infigemq; armos, nec Te virtute minorem,
 Quo sedit domitor mundi, quo vectus in hostem est,
 Rex conscendit equum. Iam Tu Misenabis, inquit,
 Ora patres hosti bisq; hic querendus in illa est:
 Nempe sub ignoto vincatur ut Austria caelo.
 Fugit eo, Vos corda Duces Marvortia, magnum
 Quod fuit Imperium: sunt illic mœnia Romæ,
 Sunt Latii fascies, nosq; hac regione viarum
 Tendimus in Latium. Vestro si munere vinco;
 Non ulli infestas hosti transibimus Alpes:
 Nec levis arma Ligur nec amator sumet Hetruscus,
 Talia fatus equi flectit spumantis habenas,
 Ingrediturq; viam: sequitur Vinaria proles,
 Pectora bina Ducum multis exercita pugnæ,
 Tu Bernarde prior, Tu Regi nomen amicum,
 Et cum Gustavo nostra spes altera gentis
 Hormiade. Tendunt fulgentes ære catervæ,
 Turmarumq; duces. Succedit Carolus acer,
 Saxo genus, Numidæq; garens cognomen ubi urso.
 Tu magnum Gothicæ gentis decus, ardue Nilis
 Agmen agis juxta patrio sub Sole coactum:
 Tu pone Hochiade Lilli: cui signa moventi
 Parebat Bodico de vectus litore Finnis.
 Liquerat Hercolithus patriam, cognata perosus
 Marcomani Ducis arma, Gotha conjunctior Arcto.
 Proximus ille trahit caussamq; et castra secutas
 Regia laudatas juvenili robore dexteræ,
 Nec Te dilectum Regi Vincelle tacebo,
 Teutonico carum populo caput: iq; referq;

*Victorem per bella pedem, patriæq; negatum
Pacis opus.*

*Instat Amelconius, qui missus ab Orbe Britannio
Appulerat turbae Loxam Raviumq; bibentis
Dux animis armisq; valens: quem Grotius urget
Incumbens: illi manus ampla Rhodosthenis haeret.
Hinc Iselerus amans pulcræ virtutis & almâ
Laude forens ingentem animum subit ordine longo,
Nec Tu carminibus nostris indictus abibis
Minciadæ claro meritis præconia facto
Chersodropa, dignusq; pari Mixophale famâ.
Tu cunctis hortator ades, Tu fœdere censes
Militiæ sub signa vocas, partesq; per omnes
Sollicitum versas animum, non parva Cnipsus
Munia dispensans præclaro munere functus.
Pergit tota manus peditum, cristâq; decorus
Fertur eques: tubus huic distinguit ephippia parvus:
Quales è solido sub avorum secula ferro
Ætneos constat primum fuisse Cyclopas.
Longior & qualis majora tonitrua condit
Est humero peditis. Dant militis arma fragorem
Surgit humo pulvis: motu de pulvere surgit
Nubes alta polo: procul excitat ære canoro
Audaces animos taratantara Martis amorem
Incutiens: horretq; omnis vicina latè.*

*Nondum lux alto decesserat altera cælo,
Quæ post his senas Phœbeia redderet Orbi
Sidera; ad Euphorie cùm moenia verterat agmen
Rex longum permensus iter. Venère Senatus
Obvius & populus, propius dum tendit amici
Ad portas populi: paucæ cum Rege cohortes
Succedunt Laribus: mansit pars maxima castris.*

Urba

Urbanis exclusa focus & limine valli.
Inde famem donis expleant Cerealibus: addit
Terga bouum in numerum capitum mens provida Patrum;
Ac tum fessa gravi requiêrunt lumina somno,
Rege gravem solo non admittente soporem.
Audierat cunctas unito robore vires
Marcomani vetuliq; Ducis subsistere toto,
Leucopetram qui spectat, agro, murosq; teneri
Vrbis ab hoste suo: compendia querere belli
Hunc ratus & summam infan di sibi poscere cœpit
Ipse, quibus superum Rex adspiraverat armis,
Fretus & hac causâ, sanctis quæ sola salutis
Mentibus, ingratas optato fine laborum
Præcipitare moras gaudet pro Numinis aris.
Formosum interea Phœbus repetebat Olympum,
Purpureum cui prima decus Tirhonia conjux
Indiderat: primus redit ad pia munia Ductor
Arcticus, hinc campo sua castra recenset aperto.
Ire duces turmasq; sequi petitumq; catervas
Imperat, & recto descendere tramite in agros,
Quos Eumondorium lætos habuisse colonum
Mente probâ recolens, at nunc squallentia tristi
Rura situ spectans gemitum dedit, huncq; furorem,
Dixit, iners Ductor fœdâ cum gente luetis.
Vexatus toties cùm viderit incola terræ
Inferno vos sacra Iovi capita ire sub umbras.
Vt Gothicas ventare manus Sudetica rumor
Agmina pervasit; Dux civem exponere prædâ,
Et templi spoliare sacrum, rurisq; relictum
Igne cremare decus: pavidi sua damna Penates
Luxerunt, Xeniusq; Larem qui Iupiter ambit.
Hinc Te Lussa petii. Quod lenio incedere passus

Arctos

*Arctos acies, & adhuc procul esse putaret
 Ductor Alemulius, sua signa reduxit ad Hallam :
 Ut subitâ belli pavidas formidine mentes
 Cogeret ad leges solis victoribus aptas,
 Et quas fors reliquas afflictæ fecerat urbē
 Ferret opes rigidi latrantia militis ora
 Pasturus succo, qui cū vibus ultimus esset.
 Venerat interea domitor telluris & alti
 Sub muros, Neopyrga, Tuos, non infima gentis
 Portio Saxonica, non urbs mihi cognita famā
 Visa sed, atq; meo juvenis celebrata Poetæ
 Carmine, Leucoreā cū Te spectator adirem
 Difficiles fallente moras. It Regis ad aures
 Nuntius, aquoreas castris exisse catervas
 Ductoremq; senem: solo Phallosthene niti
 Luffanum robur. Fatus Rex tempora pugnam
 Poscere: Germanus quam nunc statuliber iniret,
 Pro cultu Superū gens utraq; Teuto Gothusq;
 Firmarent animos certi contemnere mortem:
 Quæ, si pro patriâ caderet bellator honestus
 Proq; sacris, veniat potior vitalibus auris
 Rege sub Austriaco: tribuat cui scepera deorum
 Papa faber Gothico missurus Numina cælo,
 Militis in fremitu propius committitur hosti.
 Vicus erat juxta, quâ transivere cohortes,
 Cæsarei quo sponsa græcis conjuncta Decarchæ
 Instructis epulis Hymeneia sacra colebat:
 Austriacos quo rumor erat coisse maniplos,
 Et dapibus saturos satiatis munere nondum
 Bacche Tuo belli tractare negotia lingvis.
 Omnibus huc cursus: nec jam convivia latos
 Admisere choros, genialisq; atria pompam.*

Monstravere chori: vino pars magna sepulchri
Excitiq; feris ulularibus arma requirunt,
Et non invento fugiunt ad pocula ferro.
Hunc crater ingens armat, brevis urceus illum;
Tela, quibus non hunc faber assignaverat usum:
Pars fidum stringit, quem non discinxerat, ens.
Hos inter surgens procero corpore Rhoetus
Miserat in Gothicam convicia plurima gentem:
Quem Gothus excipiens miles, dabis improbe pœnas,
Dixit, & ardentem contorsit in ora loquentis,
Lucida quem dederant Larium penetralia, correm,
At Te pro scelere hoc dilectis manibus, inquit,
Inferias mittam, steterat qui proximus illi:
Cui pedes Arctous bis adacto ad tempora bisq;
Syncipiti illiso rupit titione cerebrum,
Fractaq; cum sanie permiscuit ossa ruentis;
Esse nefas credens, quos sobria pugna virorum
Posceret, in potas gladios convertere mentos,
Fit caedes per cœta frequens; quasq; ante meracum
Tinxisset, fuso maduerunt sanguine mensæ.
It clamor cœlo: servis concurritur armis:
Et plures in bella ruunt (namq; agmine longo
Hæc quoq; sub signis miles Phallosthenis aliter
Tendebat non jam factæ tentamine pugnae
Perrecturus iter) sternuntur corpora passim
Austriadum, Gothicæ nonnullo funere gentis.
Exoritur certamen atrox: venit undiq; pubes
Fessorum subitura locum: jamq; ultima belli
Et rerum liquidò poterat fortuna notari,
Nî Phaeton pronos dubiâ jam luce diei
Abscondisset equos. Gothicos nox illa triumphos
Distulit, & tenebris servavit inertibus hostem.

Hoc questus rerum Dominus tamen accipit omens
 Iam Sol depulsa noctis caligine clarum
 Attulerat lucem, Misena per arva supremam
 Hesperio sceleri: surgit cum milite ductor,
 Mutilus in aeternam clausurus lumina noctem
 Vidit ut Arctoum contrà procedere Regem,
 Instructamq; aciem manibus deposcere bellum
 Marcomanus Princeps; Lussam jubet urere flammis
 Inde suos, missis curatum hac ipsa Tribunis,
 Ordinat: immensi spatium ingens machina campis
 Prima capeffereditenuit fiducia belli
 Ante duces. Caussa q; pie puleriq; laboris
 Dictorumq; prius Gothicum Rex admonet agmen,
 Teutonicasq; manus. Ac tum tormenta tonantes
 Non falso mentita Iovem reboare per auras,
 Ereptamq; diem placidi sub lumine Phœbi
 In viro cælo tetra confundere nocte:
 Non aliter, quàm cum natura sponte lacescit
 Interfusa polo ventorum turbine nubes
 Lucundos late messis sub tempora Soles,
 Obscura subeunt tenebræ nimbiq; feruntur
 Seu malè deprensi nullo jam luminis usu,
 Guttur seu pleno pluviis crescentibus hausti
 In festos metuens imbres contruq; coruscum
 Frunde sub arboreâ, quò fugerat antè, viator
 Delitescit, & grata servat confinia lucis.
 Præstantes animas atq; ævi robore fissas
 Demeritis alternis infelix machina bombis
 Ferrea consensu cessarant fulmina Martis,
 Cum pius Augustus ter Numina sancta precatus
 Ipse prior discrimen adit: Strictoq; per hostem
 Inferitur gladio: quem Martia corda sequuntur.

*Ipse tenet dextram, laeva præfecerat ala
Te Mavorce satum Bernarde: Cnipulus agmen
Ductabat medium, parsque firmissima belli.
Fit strages horrenda virum, sonitumq; dederunt
Arma ilisa solo peditumq; equitumq; cadentum.
Parte aliâ, numero longè quòd vinceret hostis
(Ter Gustave Tuas aqua verat ille phalanges)
Inclinare acies est Arctica visa, posito
Parte metallorum Gothici Phallosthene Martis.
Præcipuè Venetam Latii afflittere cohortem
Illyriciq; duces: quam Tu Vincelle regebas
Non ducibus Latii Titiumq; bibentibus amnem
Virtute inferior, sed quæ Tua signa secuta
His dextris impar armatorumq; recensu.
Utq; Tuas vidit, Nili fortissime, turmas;
Incubuit visis numerosior Austria turmis.*

*At pater omnipotens formosam ostendere nubem
Visibus humanis, dubiamq; inducere lucem,
Iamq; aliquid noctis, jam totam infundere noctem
Expirante die. Stetit ad miracula miles,
Præsentisq; Dei sensit venerabile Numen.
Dumq; parvent omnes, vox est audita loquentis
Nube serenata: Qualem pietate mereri
Humanae possent mentes, quem scandere detur
Pectoribus fœdâ scelerum contagio solutis,
GVSTAVVM superasse polum nunc ætheris alti
Indigetem, nec jam studiis mortalibus angi:
Quæ Gothus & Teuto sumsisent arma, probari
Numinibus superis: firmo si fœdera nexu
Vtraq; gens coleret, meritam non de fore palmam.
Audito, Regem, cuius iustissima bella
Indomitumq; malis animum, clarosq; triumphos*

Sera dies referet, divorum sede receptum;
 Atq; ipso egregiam sponderi à Numine palmam;
 Incensa mentes, pietas quibus arma piusq;
 Induerat ductor, Superùmq; celestimate ductæ
 Bella ciunt ultro: redit in præcordia virtus
 Et belli generosus amor: pudet arma cohortis
 Illyricæ timuisse, pudet timuisse Latine:
 Iamq; instant hosti, restui velut æquoris undæ,
 Quæ redit & decimo gravis urget littora fluctus.
 Insignes ductorum animas totasq; cohorteis
 Arctica Lethæas pubes demittit ad undas.
 Turba ingens ripa non transmissura paludem
 Assidet: ac humileis inhumati funeris optat
 Exequias terræq; parum. Quæ lugeat olim
 Aut dulcis conjux factorum ignara mariti,
 Aut cara subolis factorum nescia mater,
 Ora jacent campo. Tu cui præsaga futuri
 Mens Gothici Regis dederat Mævoris habenas,
 Ut si facta deum ferrent ita, primus haberes,
 Teutoniæ Bernarde decus, præstantibus armis
 Obstanteis cuneos rumpis, mediosq; per hostes
 Invenis ense viam, digno jungaris ut hosti.
 Callaicus cecidit peditum dux: occidit Astur
 Astur, vicinis equitem qui duxerat agris.
 Hæret ei, patrium qui Cantaber egerat agmen,
 Hactenus indomitum pectus, nunc missus ad umbras.
 Nec modò capivi redeunt tormenta metalli
 Lethiferiq; rubi; venit hostis plurima fusi
 Machina Casareæ referens in signe volucris.
 Effugit veniens Philyras ad mœnia ductor
 Summus; & inclini gemebundus corpore fidum
 Præsit equum, timuitq; suas in vulnere Parcas.

Miserat incerta cum staret & ab ea Matris,
 Et dubii nondum sors explorata pericli,
 Talia ductori vetulo mandata ferentem:
 Negligat Hallensem summo discrimine pradam,
 Quod Gothus attulerit: cuius nunc Austria primū
 Non metuat vires, sed in ipsis sentiat armis.
 Ad Lussam redeat, submotāq; signa reducat.
 Imperium Ausonia pendere hoc cardine, quo fors
 Versetur praesens: qua si satis improba vertat;
 Quas superesse putet Latio spes deniq; quo res
 Sit Romana loco, quo sacra diūq; futuri,
 Cogitet. Ille velut commota leana gementis
 Ad vocem caruli, dum frondea rura pererras
 Vicinumq; nemus, rapido velocior Euro
 Ad spelaea redit; celeri vestigia cursu
 Flectit, & Hallenses quem duxerat usq; Salinas
 In campos ubi Lussa fuit cum milite fertur.
 Infestum accendit rursus tuba Marcia bellum;
 Et stirit Olea fugam sociis fidentior armis.
 Fit strages major: certatum est viribus equis;
 Vi tandem maiore Gothus perripit, & agmen
 Dissulit aequoreum: strepero sub verbera fractae
 Dissiliunt galeae, penetratq; ad viscera mucro;
 Ora eruor pectusq; lavat: gemuere pudoris
 Oblivae mentes: quarum miserescere nescit
 Innumeras inter cades Septemrio vindex.
 Papinium ut vidit ductor Vinarius, ibit,
 Inquit, & haec referes non mendax scilicet umbra
 Tilliada: laetam domito Tibi Saxone Romam
 Teutonia populum ritus docuisse Latinos.
 Traiectus fervente globo, quo serus equestrens
 Accendit pugnam Marcorum, quā tempora gessit

Ductor

Ductor Alemulus non admittentia ferrum
Excutitur, fulvâq; jacet moriturus arenâ.
Bordiada campo truncus jacet, oraq; tabo
Fœda procul longo miles disjecerat agro.
Te quoq; Hyperboreæ gentis furor ille, Fobesi,
Abstulit, & plenis caesorum misit acer vis.
Additur his saturum pecus & sua claustra perosum
Cesare pro caro ferrum qui sumserat Abbas
Fuldensis par Præsulibus, nuperq; locutus
Magna Leoniscus, nec non Cameropiæ acer,
Tuq; animi fidens Vastri: compositus eadem
Est strue Taxillus: nec defuit atra cupressus
Lampridii, multâq; virum sub nocte latentium.

Lictorem cecidisse Ducem, cum mœsta viderent
Agmina Marcomanæ gentis, gentisq; Latina;
Corripuere fugam: gravis est fugientibus Artos,
Tunc primum Hesperie perit pars maxima turba,
Turbatq; duces immania vulnera passi.
Amisisti in pugna quos possent flere Triones
Exigui numero. Tu nostræ portio gentis
Teutonicum Gothicumq; genus G¹STAVE, priorum
Mens Geniusq; ducum, ductorum norma sequentum,
Ec quo Te nôras ortum nunc reddite cælo,
Non desideris umquam revocabere nostris:
Nec nostræ pietatis erit, Te poscere divum
Terrenam in sortem, cælum Tibi demere votis.
Tu meritis letare bonis, nosq; instrue pulcri
Exemplo decoris. Dum circumfunditur armis
Hesperis pugnatq; suos Isclerus in hostis,
Corruit ex animis mittens cum sanguine vitam,
Vnâ Cheriodropas pulcro sua lumina fato
Clausis & eternam meruit per vulnera famam:

Ducto

Ductorum gemini, Latius quos susculit ensis.
Si quos præterea vis urget ahenea lechi,
Indice non longo tenuis sunt nomina vulgi.
Pars fines, Bojeme, Tuos saltusq; requirit
Milicia profuga: Philyraas appulit arces
Aliera. Dum victor succedit mœnibus, urbem
Sublato custode capit. Petit Austrius arces,
Confusus posito muri per septa metallo.
Vim postquam sensere Gothi rimantis aperta
Iam tellure vias; vitamq; illiq; tuenda
Res pactæ cessere manus, quæ signa secuta
Marcomani fuerant. Dux ensiger arce potius
Conscripto veteres augebat milite turmas
Iuncturus Gothico vires cum robore, diri
Vindicias ausi: quo Roma nefaria crevit.
Ætica victores redeunt in castra manipuli.

Iamq; adeo portum, quod fers fortuna, tenemus:
Quaq; tenuis licitum prodire faventibus auris,
Emensi dubium pelagus per lictoris oram
Ingredimur: nutusq; deum servamus ab alto.
Rursus enim tentanda via est, quocunq; vocarit
Impuleritq; ratem veniens à puppibus aura.
Consurgit rabies ventorum: atq; humidus Auster
Noctem infert, tetrâq; diem caligine condit.
Accola Benaci Siculos in federa traxit,
Scylleumq; fretum: medios exciuit Iberus,
Qui Clanium potant vacuis grave flumen Acerris:
Frænet ut Arcturi positum sub sidere mundum,
Et colat ejectos iterum Germania dryos,
Cognatusq; Gothus. Sed non Oenotria tellus,
Marranæq; manus; non, si feratibus armis
Indus opes omneis Techysq; immensa ministret,

Quas

Quas Oriens habet & lustrata cubilia Solis,
 Factorum æternas poterunt dissolvere leges.
 Nunc Te respiciunt unum mortalia corda,
 Oxensirniade, divûm genus: altera magna
 Latona proles nobis ades: impia nondum
 Tantalus edomita est: superes cum matre propago
 Tergemina, Arctois Tibi conficienda sagittis.
 Non omnis periit Gorgo: Stryphalla colentum
 Restat adhuc volucrum numerus: Lerna aq; serpens
 Facundâ cervice gerit, quo pugnet in hostem.
 Putre solum, an crimen nostrum, Pythona reduxit
 Innocuum terris, ferias si Pythius alter.
 Cum veniam orabunt & amica fœdera pacis
 Beticole gentes & Roma superba triumphis,
 Ex aliis, Gothico non umquam ex hoste relatis,
 Ac legum patiens fuerit monstrosior ales;
 Aurea Tu condas pacato secula mundo.
 Interea seu Te duri tenet alea Martis,
 Speq; manuq; animas ductas in bella cohortes,
 Seu Te castra forant; sedet alto pectore Varum
 Cura Tibi: subeunt almae praconia laudis
 Nec nostri immemorem aut Musæ sacra bella canent
 Quæ mihi Parrhasius cœli pars debita signis
 Nicodamas patriæ magnum decus atq; amor idem
 Cum referet virtute Tuâ composita; monebit,
 Vivida se calamo submittere lemmata nostro:
 Vnde petant feri virtutum exempla nepotes.

Tumulus

Serenissimi & Potentissimi Principis ac Domini
DN. GUSTAVI ADOLPHI MAGNI

Stecorum, Gothorum, Vandalorumq; Regis, Ma-
gni Ducis Finlandiae, Ducis Esthoniae & Careliae, Domini Ingerma-
niae &c. vere Augusti ac Triumphatoris omni memoriâ venturi tem-
poris dignissimi, pro verâ Numinis religione, Germaniâq; li-
beratae in Misnia campis ad Lussam anno m. r.

M. DC. XXXII. VIIII. d. Novembr.

tam piè quàm heroicè occumbentis.

Quicquid Hyperborei potuit superare Leonis,
Hic jacet. Vna omni didita fama loco est.

Terruit Ausoniam : tumidos frenavit Iberos ;
Sauromatarum leges iussit inire suas.

Teutonia populis devicto Casare cultum
Restituit, qualem Numina sancta probant.

Ut studium belli virtusq; innotuit Orbi;

Horruit hunc Scythicus Bistoniusq; furor.

Viventis pectus celebrabat & hospes & hostis :

Post cineres idem tollit utriq; polo.

Cuncta Lycaonia quae sidera cecidit Arctos,

Quaq; metus Gothica pectora gentis obit ;

Vos testor : vidistis enim formosius astrum,

Et quem mirata est Arctos alumna virum.

Arma, quibus licitum defendere Numinis aras,

Sumsit : in his, pulchrum credidit esse, mori.

Dicit hic Annibalem : genium sed nominat alter

Pellaei juvenis : Scipiademq; Gothum.

Herculeos inter numerat pars magna labores

GUSTAVI promptâ belli peractâ manu.

Sunt, qui divinis ducant cognomina libris,

Maccabeumq; vocent, aut Gedeona novum.

Omnibus his major Gothus est GUSTAVUS ADOLPHUS.

Unus enim in factis Rex Aquilonis erat.

Friß.

Frid. Zamell

EPULUM RURALE
Euthalii,

Lect. S.

CONvenerant apud Glaucidem in pascuis, quæ pu-
blica usurpant, cū Euthalio tunc Pratore magna
pars Procerum ejus urbis, tum ii, qui Praturam antè
gesserant, & civium ex inferiori ordine nonnulli. Con-
vivio, quod apparatus erat, intereram vir admodū
juvenis. Fallendi ac frangendi temporis causā sub
pluvio cœlo fiebant ac dicebantur multa. Cratinus
Consul vir magni judicii plurimaq; industria, exin-
deq; sūma inter suos autoritatis ab aliis exorsus sermo-
neq; proæctus in Poetices mentionem tandem incidit.
Ille cū varios ejus artis fineis commemorabat, tum
præcipuè eum, qui præstantissimus omnium est ostende-
bat. Heroum enim laudes carminibus absolvi, illosq;
à solis Poetis æternitati rite consecrari ex divinis pro-
fanisq; libris undequaq; adstruebat. Intentis tunc in
me oculis, ut quæ eā die dicta factaq; essent versu com-
plecterer, rogabat. Parui viro mei amantissimo, car-
menq; hoc quale vides, lector, calore eo, qui tum erat,
deproperatum eidem exhibebam. Tamti tamen hacten-
us non habui, ut publici juris facerem: nec fecissem,
nisi Te tubæ clangore belliq; strepitu defatigatum ex
arenā in convivium deductum his veluti bellariis re-
ficere, humanitatis meæ rationem duxissem. Fruere
proinde hoc mecum ac vale & fave. Dabam Elbingæ
postridie Cal. Ianuar. anno m. r. M. DC. XXXIII.

E Si locus, Argæum leni suam gurgite flumen
Adluit, & valli terrena repagula claudunt,
Munimenta foris strictas arcencia ripas,
Gramine luxurians nec odori floris egenus :
Quale Tuum fertur, dives Campania, sumen :
Quale decus campis, felix quibus Enna triumphas :
Pascua lascivis semper gratissima bobus :
Tu quibus immerito, si sint certamina formæ,
Falsum præferres, virgo Sidonia, taurum :
Quo nisi fugisses patrios vectore Penates ;
Gracia nec Thebas Cadmeia moenia nosset,
Nec, quod habet, mundi pars tertia nomen haberet.
Illa quod urbanis spatio sint dista rectis,
Quod missi est lapidis, quem fortior impulit armus,
A lapidis iactu nomen fecere priores.
Annuus hæc Prætor, cui lata suburbia parent,
Et geminus lustrat Curator præta quotannis ;
Cum prætextatus multi se Patribus addunt
Civili è numero : comes unâ ducitur uxor :
Queis magno Prætor cum festa cibaria luxu
Instruit, & Como lætos indicit honores.

Extulerant lucem conversa volumina cæli ;
Quam IulI magnum servans in secula nomen
Mensis ab exactis referebat in ordine sextam :
Tempore quo Prætor festum sollemne parabat
Magnorum Euthalius stirps non indigna satorum.
Illuc ut Procures igitur vulgusq; Quiritum,
Quot quor adesse juvat, quamprimum lucida Solis
Mane novo lampas fluctus superasset Eoos,
Convenient ; mandata dedit perferre ministris :
Viq; viæ tollat, quæ sæpe ingrata morantur,
Iædia ; se comitum notis adjungere turmis

Quemlibet in ripâ jubet, & conscendere naueis.
Iramq; ingenui quondam sollertia fabri
(Namq; fuere duæ) compactam ex ilice durâ
Ambierat cedrinis versus penetrare columinis
Tecta superponens gracileis imitantia crates,
Per via sic luci, nisi Solis iniquior æstus
Aut pluuii vexent imbres, tunc vellere pulcro
Apti rati prestare umbras, prestare latebras.
Illo, quæ juvenem Pagasæa carina vehetas
Æmonium, cultu patrio seu constitit ante
Littore, seu, postquam ignatum trana verat æquor,
Phasidos in portu. Iubet hæc velamine Prætor,
Purpureo insterni, sistiq; in flumine puppeis.

Iamq; dies aderat, plenâ quæ luce refulsis
Ambiguo celans densissima nubila cælo.
Ve vigiles oculi somni languore remoto
Accepere diem; sparsi coiere gregales,
Hucq; ruunt, statio dictis ubi navibus: & jam
Consule deducto totum convenerat agmen.
Primus ut adductâ consedit naue Cratinus
Magnanimus Consul germano sanguine iunctus
Prætori Euthalio, quem turba secuta virorum est.
Iussi omnes, ut cuiq; locum signaverat ætas
Aut merita, in scamnis ostro considerare rectis.
Detrudunt puppim nautæ, terrâq; remorâ
Sollicitant subitis cumulatâs imbribus undas.
Vidimus & turbam, quæ tempora crine colendo
Distulerat, navimq; implebat sola secundam,
A tergo procul adducto vada verrere remo.
Interea dum pars sermonibus otia lævis
Frangit, at hos lœve sub pluvisio seria mordent;
Optatam, quâ cursus erat, contingimus oram.

Vt terra admotâ est propius firmataq; puppi;
Non dubio exscensu; prior arva viuentia Prætor
Calcat, ad exiguos deducens quemq; Penates:
Quos pecorum multâ coluere etate magistri.
Est domus exilem confessa in limine cultum,
Intus, si subeas, ingrato squallida fumo,
Et piceâ exesos nigrans fuligine cignos:
Quodq; imbrem & Solis defenderet ædibus astum,
Culmen habet cannas, munimen agreste, palustres;
Nec tamen in quâ vis canna sunt parte palustres.
Qualia percotto Gerulus corpore pastor
Figere sub patrio fertur magalia cælo:
Robustam mater quibus educat horrida prolem;
Hanc servat faciem certæ vicina ruina
Porticus ante domum: viridi quam frunde bubulcus
Cinxerat, ut ficto cumularet festa decore,
Pauperiemq; Laris sylvarum excluderet umbris.
Stabant heic mappis instrata ex ordine mensæ.
Imponunt quadras famula, mundisq; canistris
Matris Eleusina lectissima munera promunt.
Talia dum Prætor properatq; urgetq; monendo,
Lictoribus seram vulgus muliebre carinam
Appulerat: miscetq; gregem glomeratq; virilem.
Heic aliquis mediam comitum de plebe coronam
Ingressus, manibus gelido de fonte petitam
Splendenti gutto fundebat in ordine lymfam,
Ex humero niveum lævo mantile daturus.
Protenus alterni nunc vir nunc foemina juxta
Accumbunt mensis, vultuq; epulantur amico.
Prima lupilata dederant obsonia lances:
Quis tener hærebat brevior paropside turdus:
Hunc rivi exiles, dat Habus vicinior illum.

Hinc

Hinc vitulina subit verubus detracta, boumque
 Lumbus, & à flammâ stridens agnina recentis
 Pinguior, ac rubro gallina abrepta marito.
 Illius circum piperata liquamina pullos
 Fuderat, & matris structor post sercula poni
 Iusserat: his crassâ munitos forpice cancos
 Submitti, atq; unâ gabatas albentis oryxæ.
 De fumo veniens posthac annosa probati
 Perna saporis erat raro exornata vireto,
 Et bifidum lingua vescum, casiq; iuvenci,
 Quam Lar obscurus fumo dura verat atro,
 Pulpa rubens: acris juxta est embamma sinapi.
 Exin, quæ mensas est visa decere secundas,
 Degrege massa venit, rapido qui rura Nageso
 Proxima (succisis servant hæc nomen ab alnis)
 Tondet, & urbanam luero beat ubere turbam,
 Densa, rotunda, grauis, fragrantè adpersa cumino,
 Tincta croco, lactis meliori parte liquefcens,
 Qualem Glauci-genæ matres effingere gaudent:
 Quali non Morinis qui cogitur optimus agris,
 Vestini pecoris non pugnet ab ubere pingvis
 Caseus, Ausonia non infima gloria mensæ.
 Stant pueri circum, patrû qui pocula xythi,
 Quem cõdens anno vernante in dolia Prætor,
 Hactenus intactum leto servarat honorè,
 Et vini statuant cyathos: quod proxima Rheno
 Mittit viuisferos tollens Germania colles.

Nondum expleta fames epulis erat omnis, edendæ
 Ardor adhuc stimulat; cùm rursus flabra furentum
 Ventorum emittit rejeratis Eolus antris,
 Noxq; serenatas tenebris interluit auras,
 Paullatimq; diem fugat, & jam lucis adempto

Munere res tetræ humanas occulit umbris
 Tum celer emitti nimbus, cursuq; citato,
 Quâ parte à nullâ vestitur arundine tectum,
 Illabi, atq; illas nunc has superare lacunas.
 Plurimus heic mensas, ubi Consul sedibus artus
 Flexerat atq; alii Proceres, infecerat humor.
 Illeic far niveum, sapidos heic unda carinos
 Imbuie: admissas fundunt mantilia guttas.
 Ipse madet Consul, madet hic qui proximus hæret,
 Et pluvius urgetur aquis. Sed ne usq; maderent
 Inferiore Patres optabant sede locari.
 Vnus in his repetens pluvius ex imbribus annos
 Deut alionæi per rura per oppida fluctus;
 Qualia Thessalicæ loca sunt compascua genti,
 Qualia lictoreis sunt subsidencia Grajis,
 Et non dissimili terrarum sorte Barabæ,
 Præta querebatur nimbi obnoxia & undis,
 Tum campos penitus latos, aut iudice vero
 Montibus aeris prælatos esse negabat.
 Dixerat hoc Pharius quondam Tibi, Græcia, Mysles &
 Nulla quod antiqui decoris monumenta foveres:
 Quæ tuti servant ventura in secula colles.
 Alter Ceycis miseri narrabat amores.
 Arsit, ait, Ceyx mediis periturus in undis:
 Arsit & Alcione: vestros non ponitis igneis,
 Equorea volucres. Te, Pyrame, noxius error
 Perdidit & Ithuben: ferro cecidisti eodem.
 Demophoon patriiis citius rediisset Athenis,
 Non rigidus cortex languentia Phyllidis ora
 Integeret, durumq; forent ea brachia lignum,
 Quæ nuce pro vili regnorum sceptrâ gerebant.
 Addit, ut Inachia vultum mutaverit Ius

Iupiter; & quam tam Saturnia fovet iram,
 Pellicis illicitas damnans in conjugis flammis;
 Vtq; loqui conata patri mugitibus auras
 Terruerit, totumq; fugâ lustra verit Orbem
 Infelix nimitum virgo, nisi Iuno laborum
 Exorante viro finem misera dedisset.
 Pergit: &, Idæo quæ Thesea misit ab antro,
 Inquit, in ignotâ jacuit regione locorum
 Regia desertis virgo desertior agris,
 Nequicquam implorans excusso fœdera somno,
 Fœdera quæ lecti dederat Træxenus heros.
 Incestus furor est, dixit, quo Biblis inarset
 Myrrhaq; clam thalamos invaserat illa paternos,
 Patre nefas ultio: partu formosior alter
 Non erat in terris; fraternos Biblis in igneis
 Mittitur, & durum laqueo sibi finit amorem.
 Dum memorat, flevere novæ fera fata maritæ:
 Lumina vix matrum tenuere semilia fletum.
 Laudopares flammis, reddit Sibienus, & annos,
 Sepe senex juvenem duxit sine dote puellam;
 Cui socerum fecere Lares socrumq; beati.
 Hunc ubi consumpsit nimia indulgentia carum
 Hactenus, exhaustis oculis contemnere primò
 Audet inepta ætas, fletuq; inducit inani
 In causas odii, natas his sponte parentis.
 Exulat omnis amor: discreta cubilia querunt;
 Et vanis lassant alienas questibus aures:
 Sollicitosq; animos verum excedentibus urunt.
 At ne tempestas laetis incommoda festis
 Contraheret frontem rugis aut pectora curis;
 Admissus fidicen, docto qui p. Illice chordas
 Tangeret, & plenis animat qui follibus utrem,

Dulcis sonum formans digiti modulamine cantum
Forma decens operis: suprâ cui fistula duplex,
Virginis hæc edens pressam maris altera vocem,
Quas manus artificis de lucidioris metallo
Exactas propter mediū. & quâ circulus oram
Corpore discernit, plus illustraverat auro,
Atq; è Sarmaticis huc nuper miserat oris.
Non genio indulgere omnes, magnumq; Lyæum
Poscere sollicitas frangentia pocula curas.
Iam & ythilaticem, munus Cereale, remorant
Conviva, & Te Bacche unum venerantur amantiq;
Nyseaq; Bromiumq; vocant, sempe q; decorâ
Spectandum facie: cui vis infracta juvenis
Vestierit nondum primâ lanugine malas.
Tu sacros animas Vates, Cirrhæq; propinquum
Tutaris cum fratre nemus, lyncasq; coeres
Imperio, curamq; fugas, plenamq; reponis
Lætitiam, & miseris ultrices sufficis iras.
Nycitileum adjiciunt pulchrâ Cadmeide natum
Et Iove, præclaris sed cum Iove cætera donis
Numina vincentem. Tu, cum pater exit ad oras
Æthiopum, vino mulcesq; hitarasq; morantem,
Et sacra sollicito defendes fulmina mundo.
Eubyon hinc celebrant: subit inde corymbifer Euan-
Maëte, fremunt plausu, Lenæe, & honoribus illis.
Et queis prætere a tunc, cum manifesta negaret
Sacra Tibi fieri properans sua funera Pentheus,
Nominibus Te turba frequens Thebana ferebat.
Stat plenis ergo vini indulgere culullis,
Laudaroq; animos Baccho diffundere: Sic Tu
Æternum hoc vultu faveas, semperq; Thyoneq;
Labentis numeros ut vis felicibus annos,

Ingeminant omnes: resonant convivia plausu.
Nomine erat Bares, vegeto cui plurima mento
Canities: multo civis venerabilis ævo.
Cratera hic aprans manibus, veniamq; precatus
Dicendi, tali compellat voce bubulcum:
Postquam magna Pales genialia sacra reposcit,
Ogygiaq; puer Semeles hanc munere pulchro
Prosequitur lucem; prior hac mera gutture sumam;
Tu pecorum custos, cratera secundus habeto.
Sic duce Te letos errent armenta per agros,
Et molli saturos distendant gramine ventres.
At, si fossa neget, deducere fontibus undam,
Et pecori relevare sitim; tum si qua minentur,
Quæ studium admittunt, contagia pellere sepsis;
Has Tibi mandato pones in munere partes.
Dixit, & è mensâ magnum cratera lepa vit,
Spumantemq; labro laticem tenuis impiger hausit.
Implerant famuli rursus: dedit ille bubulco.
Hic, ut vota prober, firmetq; novissima dicta
Muneris admonitus, tumido dat vina palato;
Nec prius absistit, quam pocla exhausta supiner.
Aliter erat largo mentem perfusus Iaccho:
Qui, licet Auster adhuc cælum prætexeret atris
Nubibus, & grandes nimborum lubrica tellus
Acciperet guttas, cœnoq; horreret & undis,
Ter tamen insiliit vacuum ter in æra tollens
Brachia: non aliter quàm cùm furcata Mimallo
Incedit viridi succincta hastilia thyrso
Concuiens, reparat quando trieterica Bacchus
Orgia. Grex comitum videt hoc, illumq; secuti
Instituunt choreas, & amant versare laceratos.
Iuxta antiqua boum stabant hyberna, rudiq;

Arrosa

Arrosa umbrabant cœnâ præsepia (nam quos
Ostendet stabulum cultus, si tecta domorum
Non plus admittunt lûxûs habitata bubulco?)
Hæc, ubi non figi vestigia posse videres
Firma satis senior Prætorum ex ordine, cui jam
Quarta magistratûs æstas ad venerat acti,
Conjuge deductâ subiit, choreasq; peregit.
Audi vñre senis raros socia agmina plausus,
Et simul huc effusa hilares movère cachinnos.
Nee deerant, studiis quos invitaret iisdem
Seu locus emisso, licet agre, tutus ab imbre,
Seu lepidi virtus senio non fracta choregi.
Qualem Penelopes inter convivium crudos
Fama procos agitasse chorum fatig. suæq;
Ignaros sortis (sint hæc procul omina nobis!)
Haut tali stabulo, sed tectis; qualia fertur
Ante, nefas ultum Paridis quàm Græcia muros,
Iret ad Iliacos, cùm spernere posset Atridas
Lata domus Priami, coluisse disferior heros,
Quales ruricolæ, cùm convenère frequentes
Sollemni redeunte die, quæ dedicat Ædem,
Exercant rudibus, non hoc tamen ordine, tectis.

Ante domûs limen turbatâ mente sedebam,
Observans pluvias tempestatesq; sonoras.
Tum Consul patrii quondam pars maxima Regni,
Et patriæ prædulce decus, decus ipse Themistos,
Ipse deo carus, sacris qui præsidet antris
Mæonidum: si fortè Tuas, dilecte Zameli,
Solantur curas, quarum Tibi Numina cura,
Pierides Musæ, duliq; hæc otia versu
Fortunamq; diis peras; fac carmine pulcro
Festa patrum se. os doceas infesta nepotes.

*Nec Tu indigna pares, inquit, juvenilibus annis,
 Quasene digna probo. Neq, enim Tua carmina vireus
 Damnavit, sed livor iners. Insania plebis
 Sola mera est, humilisq, furor; nil credere pulchrum.
 In censu patriæ, nisi quod firmave: ut error
 Primavâ rudium deductus origine patrum.
 Haftenus asperior vos cæli excluderat axis,
 Pierides: raras postquam venistis in ades
 Glaucidos; invidiâ conflagravere Poetæ.
 Carminis hinc spernunt leges, cupiuntq, videri
 Turpe quod ignorant, ponuntq, in crimine nomen
 Ignava mentes & vera laudis egenæ.
 Consule sunt dignæ, digna sunt Consule Musæ:
 Romano, dixit, digna sunt Consule Musæ.
 Nec qui Dardaniæ fasces non ambiit urbis
 Seu Naso dicendus eques, seu maxima Vatum
 Porcio Ninciades: Tu stirps Calpurnia Piso
 Et Vates & Consuleras. Qui Caesaris iras
 Narrat, & armatos cognata in pectora cives,
 In fastis alter signabat tempora Consul.
 Hannibalem, felix quem nû Campania fractum
 Perdiderit, genti positurum jura Latine,
 Marmaricasq, acies pulcro qui carmine dixit
 Fascibus indecorem non credidit esse Poësin.
 Mæoni ad normam qui docta Poemata Vatis
 Exigit Andini, non inferiora securus
 Consule, Musarum studiis jungebat honorem
 Nominis Augusti non indignante Senatu.
 Cui Scilico dictus, cui dictus Honorius ingens,
 Scribebat famæ decoratus marmore Consul.
 Rhetoras insignes seris qui tradidit annis,
 Busanidas, latâ Consul dirione regebat,*

Nec

Nec pater Augustus, solus licet orbis habenas
Cum love tractaret, contempsit Apollinis arces.
Sapius est illi conscripta Tragoedia fesso
Imperii curis, natumq; per otia carmen.
Ut Bembo taceam, Muretum nostra disertum
Secula viderunt. Vates & praesul uterq;
Gentis erat Latiae, procerum pars maxima Romae.
Quis dabit opprobrio, cui non in calce cerebrum,
Tempora dum talo, vitreo seu milite frangunt
Mortales animi, sub sera crepuscula versum
Condere, quem primâ non durus Apollo iuvenat?
Respicieus idem maturo amplectitur ævo?
Romanas quis nescit opes aut munia gentis?
Pars, quorum memini, Regum posuere furores
Laurigeri nomen non aspernata Poetae.
Si quid habet Glaucis, seu concilia vitæ honorum
Cara mihi Glaucis, tamtò minor urbe Quirini,
Quamtò Sole facies altâ sub nocte micantes,
Vmbra mera est, cives. Ignoscite vera locuto.
Ede Tuos olim, Cleio Drusina, triumphos,
Vinctaq; sublimeis præcedant agmina currus
Degeneris populi: Solq; hanc purissimus, inquit,
Aspiciat quam Tu LIVORI construis aram:
Quâ diram facient sacra avertencia noxam
Phoebigenæ Vates fixis ex hoste tropæis,
Sorte suâ læti divaq; favore noxæ.
Assensi, dextramq; dedi, promtoq; graphæo
Cuncta palimpsesti tabulis memoranda notabam,
Vir; cui ter jenas messes cumulaverat æstas
Sexta: rudes jam tum juvenili ardore Poetas
Damnabam, nostrosq; videns meliora calores:
Quos, fili Gotofrede, mei cognominis hæres

Vnus adhuc de gente mea nunc indole pulcræ
In Te derivas: fletum cui docta papyrus
Sistit & oblatis patris instrumenta libelli.
Urve puer: sumtu genitor mihi profuit uno:
Accedent in Te studiis impendia nostris.

Tempus erat, subter fræta quo Tartessia Phœbus
Labitur, & Vesper tenebrosa crepuscula profere.
Assurgunt Proceres, & stantes pocula libant,
Huncq; repertori supremum vitis honorem
Esse volunt: tacuere fides calamiq; sonori,
Et medios rupere choros. Scipatur in unum
Turba frequens, navisq; petit, funemq; resolvit.
Incumbunt nautæ remis, sociosq; fatigant
Aterni, pariterq; urgent, gaudentq; priores
Communem tenuisse viam: clamore sequuntur
Præceduntq; alii, fessiq; celeusmate vires
Accipiunt, nec certa sedet victoria partii.
Non aliter, quàm cum pubes se plurima Ponto
Nautica diffudit, cum sunt certamina cursus.
Instructæq; volant tranquilla per aquora pinus
Remigio celeri: crescit contentio palma.
Spe dubiâ votisq; virum, paribusq; feruntur
Ductorum studis. Aliquem tunc fortè Menoetens
Consisum risere mari. Ferit undiq; litrus
Penè eluctantum plausus, fremitusq; sequentum.
Sic illi: & poterant utræq; in fine carinæ
Æquatis rostris lato se condere portu.
Hoc tamen insignis fecit reverentia clavi:
Consul ut ante alios Procerum cum gente subiret.
Postquam egressi omnes; primi solvere cohortem
Patres, inde alii: tum facta silentia terris,
Omniaq; involvens umbris ruit Oceano nox.

Frid. Zamell

TETRACTYS PYTHAGORICA

CVBVS

Igne perennanti lambentem sidera flammam
Ex infinita symbola mente creant.
Corpoream absolvit subsidens tessera molem.
Hæc Cæli & Terra copula prima fuit.
Nunc mihi dicenti superi monas incluta mundi
Irriguo ex Ida fonte ministret aquam.
Hinc tecum lutulenta cohors, Epicure, faceßas,
Quosq; juvant horti frigus & umbra Tui.
Quod dixere Iovem, rutilant fastigia Primi:
Qua numquam ratio vana terendit iter.
Lumen inaccensum est, atq; altius æthere summo
Naturæ angustum nescit inire locum.
Hujus in auricomâ duo cornua fronte resurgunt.
Hisq; nihil Motor cæpit habere prius.
Quisquis enim toto naturæ vultus in Orbe est,
Eius in aternâ simplicitate fuit.
Triquetra quam pulchrè facies subsedit eodem
Schemate, divini fœdere juncta chori!
Namq; trias sacrum Iovis ut respexerat astrum;
Ille licet sin plus nil nisi simpla daret;
Excepit radios luno fecunda reflexos,
Et felix uteri turgida sensit onus.
Fallor, an Unius facies hæc integra, Verè
Et Bene quod Graja stare Lycia crepant?
Quo Quid in archerypa descriptum mento tabernaculo
Constat perpetuos luxuriatq; dies.

H

Summ.

Sunt, hoc qui nexu Fidei Mystéria firmant,
 Et magni credant Numinis esse typum,
 Naturamq; loqui de condicione regentis
 Natura totum, quod fabricasset, opus.
 Exemplò nata est & nata simillima matrè
 Progenies, Illo fonte Quadriga coit.
 Inde supersilium Samii celare iubentis:
 Mascula Tetractys cui novus ora gerit.
 Qualis mutata sensit de Cœnide Cœneus
 Virgineos vultus obriguisset pilis:
 Et modò post teneros jactans robusta lacertos
 Brachia, miratur seq, amat ipse virum.
 Haut aliter mentum summissee virile Tetractyn
 Insignem Furcæ nobilitate ferunt.
 Non tamen hos fingas, scelerate Iridenifer, artus;
 Nec precium lasæ virginitatis erant.
 Integrior ratio versa est in origine forma,
 Nec tetra in sacro corpore menda latet.
 Quà flectas oculos, nescit discordia causam,
 Nam justæ ratio quæ paritatis erat.
 At subeant unam sidus venerabile massam,
 Cui cæpti primas ordinis Alpha dedit,
 Et geminæ ex illo quæ vertice cornua pendens,
 Addita quadratæ ternagloria bati.
 Hæc Decas, hæc rerum primordia: Numine quorum
 Omne quod est denus pingitur in tabulis.
 Nunc & quam natura dedit, statione locatos
 Terribilis cogat buxus in arma viros.
 Signiferum belli Quinctum dic. Adpice ut hinc jam,
 Iamq; illinc quino milite fretus over!
 Milite sit sociæ manus auctior altera turba;
 Atq; heic sex, illeic quatuor arma gerant;

Seu septem pluresve locos, n̄ in:asq; vicissim &
 Alterutrimq; decem turba coacta dabit.
 Hos verò Vnius cretos de semine fratres,
 Atq; redire in idem virga Pelasga notat.
 Explicat hæc decimum: famamq; à caraine dicti
 Illius auspicio se repetentis habent.
 Nunc me, Quinte, monent hymeneia sacra parentum;
 Totq; Sophum tædis edita texta novis.
 Ergo unos thalamos & Tu Trias impare formâ,
 Et parili ing; editur lumine nota Dyas.
 Nec vano arbitrio: ne Tu sterile scire posses,
 Ut quæ fecunda est hæc quoq; facta foret.
 Luxurietaq; magis. Tu robore mactæ virili,
 Cui tali amplexu contigit esse marem.
 Est in naturæ felix conjunctio rebus,
 Tot seclis, doctis tor celebrata viris.
 Cognita sunt illic fando, sunt obvia nostræ
 In nobis animi quinq; ministeria.
 Excute nunc ipsum, quem functio quinta peregit.
 Hæc in Te, hæc extrâ vincula mundus habet.
 Ecce deos, geniosq; animosq; hoc fœdere censas
 Heroas, nostrum deimæ ferumq; genus.
 Infera cum superis committere sobrius instat.
 Abdita quæ fuerant, plurima doctus eris.
 Huc bene purgatus animi concedere fibris
 Ipse Plato voluit, nostraq; sacra sequi.
 Fundamenta loca. Quadræ Tibi terminus omnis
 Erigat, & candens vincula nectat apex.
 Ergo cum triplex ternis hastilibus infra
 Stet latus, & stricto culmine summa petit;
 Pyramis exoritur: sedem quâ Conditor ævi
 Obtinet, & propriâ sorte beatus agit.

Par quoq; filorum geminum promittat, & aequè
 Nodosum extollat mystica quadra caput.
 Pyramis hæc illa est, per quam cæta alta deorum
 Dicuntur fulcris incubuisse suis.
 Non illud superant mortalia pectora cælum,
 Arcentur sacris improba sensa locis.
 Pure habitant montes non deficientibus annis,
 Noxa quibus nostra conditionis abesse.
 Pòt' se in se ipsam fecunda recurrat Hyle,
 Ex sinu Dyados bis duo bis generet.
 Hæc quoq; Cecropiæ cessat dum Palladis index,
 Sex latera, Exhedras explicat octo Cubus:
 Commoda quoque gratum spatiosa per æquora sedes
 Panditur, & latebras angulus omnis habet.
 Vt ro sensibilis pandit se forma theatri,
 Subsiduntq; suo corpora crassa loco:
 Vnius Oceano currant illòq; recurrant
 Quamlibet, & liquis, Cinxia fœta, Tuis.
 Hoc cum Dindymene, quando par mite leonum
 Sub juga venissent fræna regente deâ,
 Exhibuit divum fundens genitale hominumq;
 Semen, & unde genus secula bruta trahunt.
 Hujus & ætherii si constat fabrica mundi;
 Redde patrem matri: jam Tibi cuncta parent.
 In flammâ fulvas Pædoli quærat arenas,
 Munera natura quisquis ab arte petit.
 Alius egredimur lentæ per ætra Vestæ.
 Numen habent nostræ cuncta fovendis opes,

Frid. Zämel
**EPIGRAMMATUM
LIBELLVS.**

In Ollum.

Scribis Tu fabris, scribis Tu carmina lixis;
Et celebras versu sordida quæq; Tuo.
Non aliis natum me clamas esse Poetam,
Qudd rare versent carmina nostra manus.
Vt fas ingenuos virtuti assurgere Vates;
Sic ego nec fabris scribo, nec Olle Tibi.

In Graculum.

Gracule, si nescis; sunt nobis carmina lusus:
Hic Canis, hic nostrum. Senio quassat ebur.
Hæc mihi sunt picti chartacea Numina Reges;
Qui curas adimant nocte ruente meas.
Sæpe dies lusu, sæpe est Tibi mortua vino:
Quâ cecini, vitam qua mihi fortè davunt.

In Marrum.

ODi ego mendaces (sic inquis Marre) Poetas.
Apparet, quoties verba Latina facis.

Magnif. & Nobilif: Dn. Ioanni

Nicodemo ab Ahausen Commifs: Regio.

Quid mihi præstiteris, nondum mea secula norunt,
Nicodama Gothici firma columna poli.
Norunt hoc omnes: quod me, qui temperat Arctum,
Muneribus carum cæpit habere Tuis.
Nec latet hoc quemquam; per Te quod carmina Teuto
Nostra legit, jam me tota quod Arctos amat.
Tu tamen illa negas dignum præstare favorem;
Hæc nisi, quæ dederas, ornet amica manus.
Iamq; eadem cumulas & diuiter provehis auctu,
Thesæaq; iudas commoda nostra fide.
Quid memorem, nostræ quod curas addere famæ:
Ne vulgi jaceat sub pede Vatis honor?
Hoc quod præstabas, sit nostro carmine dictum;
Pro merito non est, si colis usq; Tuo.

Aliena tractantes.

IN vestrà soleas vendit stannarius urbe:
Mulciberis panem sordida turba coquit:
Ædificat pistor: tutores pulh'a tractant:
Tæxor agit caussas: consor in Æde docet.
Substiteram ruptis mediâ regione quadrigis:
Attulit optatam bibli, pejus opem.
Quo sapiant, quæro, puerorum corda magistro.
Palladis hunc credas de greg. & tinctor erat.
Scla vel ut rerum peccarent nomina; pisces
Vendit, qui Lani nomen inane gerit.
Ferne ego, vos, humiles pomeria vestra, Quirites,
Transieram; cum vehit Ausser aquas.

Imbre

Imbre madens vicina petor: monstrata taberna est.

Quam solum innupta tres coluere domum.

Idalia facies, faciles & ad omnia prompta.

Dulce merum, dulces apposuisse dapes.

Transégi noctem ridens satis illa. Quod atas

Sera recensq; probeat, cerna puella fuit.

In Baccam Medicum.

E*scuidam similis Medicorum, Bacca, priorum.*

Pergamus at non huic patria, Cosve fuit.

Pluris uterq; fuit: sed nec Tibi proxima laus est.

Vis aliquem & talis, Bacca, Diaulus erat.

In nanum

N*ani sunt servi, nanus Tu, nanaq; conjux:*

Et matura viro filia nana Tua est.

Cur Pario vastum surgit Tibi marmore testum?

Præstaret vobis si quoq; testa domum.

Ad Hier. Stellam

S*tella, Tuos utinam legat atas sera libellos:*

Et Tua post magni scripta Maronis amor.

Nasonem dicat: neget hoc Te, Stella, minorem:

Nec plus det numeris, culte Tibulle, Tuis.

Quæris, cur optem tamta Tibi munera laudis?

Sic aliqua & nostræ fama superstes erit.

In maledicum

D*e me quid dicas, mihi vilis amricula narrat,*

Et puer, & si quo vincere teste negor.

Quid fecit, vulgo quem esse lacerare nescis?

Clam fodicatis. Nequam es lingua procer.

In Graculum

Dile mihi, dic populo, quod ponis in aure Melancholi:
Aut animum hunc muta, Gracule, si bonus es.

Ad N. Quæstorem

Desine Te nimis, Quæstor, consumere curis.
Major erat Priami Tarquiniq. dolor.
Horruit Andromache casu confusa mariti,
Victores ageret cum ferus hostis equos.
Andromeda ingemuit, quoties sua vincula vidit:
Ingemuit, quoties vidit uterq. parens.
Nemo tamen tantum damnato luminis usque
Ad Stygias luctu perditus ivit aquas.
Erat Tibi desunt? desunt hæc Regibus ipsis.
Et causa est populi: non tamen ille dolet.

Exequiæ asini

Moreuus est asinus: scribunt elegidia Vates,
Versiculosq. rogat gens asinina meos.
Vos pueri dominis hæc talia reddite vestris:
Me suis extinctæ funus habere domi.

Ad Gelliam

Gellia, septennis risum compeſce puellæ,
Nec patere in verbis hære at illa Tui.
Non est, si spernus, quod adultera corrigat ætas.
Nam vetus in morem, Gellia, crimen abis.

In Fabianum

Avdio Te pueris, Fabiane, præſſe docendis:
Et puſo Te ſummiſ Regibus eſſe parem.

Nam Regum ut populi magnorum sceptrā verentur,
Sic ferulas metuunt ampla Lycēa Tuas.
Deniq; Rex idē posses, Fabiane, videri;
Si Tibi cum censu regia tecta forent.
Sed colis obscuros tecto rudiore Penates,
Vixq; capiti mensam tota thorūq; domus.
Cum fracto, qui prorsus abest, pede mensa laboret;
Impositum spondæ sustinet asser onus.
Rufa Tibi conjux hesternam ponit ofellam.
Est, quod Te Regem non tamen esse sinis.

In quēdam

N^Ulla canina Tuo est in nomine litera: nullam;
Quæ sunt cognata nomina gentis, habent.
Non erat in patris, non credo in nomine matris;
Sed nec in uxoris, sed neq; prolis inest.
Non urbs non regio urbis habet, quibus incolis ades:
At quicquid dicas: GARGARARACREPAS,

In Zoilum

I^Nventum pueris in stercore Zoile dentem,
Si redeat, magni dicat Adonis apri.
Dixerunt multi. Cum sint discrimina flexūs;
Maxima pars dentem, Zoile, fassa Tuum est.

Ad Erid. Taubm: P. P.

N^On generant aquile, vel Flacco teste, columbam,
Verūm aquilam nuper rara columba dedit.
Seu cyncus es, Vatum seu Phœnix, optime Vates;
Hic, quo Tusatus es patre, Columbus erat.

In Paullum

Cum Paule adifices, calescias Paule libenter
Dose est uxoris cadua silva Tuae.

Pertica seu arbor

quâ ligneam columbam scloppetarii plum-
beis glandibus desiciunt.

EMinet in campis erecta patentibus arbor:

Ligneae supremâ parte columba sedet.

Hanc collimantis petit ordine turba iuventa;

Lentaeq; ferventi pectora glande secant.

Accipiunt Regem, signatq; argentea torques;

Qui laceram extremo vulnere frangit avom.

Ad Ianum Condylum

Mecum centenos si, Condyle, vixeris annos;

Vna dies nostras solvet amicitias.

Scilicet & fasces, & opes, memoresq; columnas

Desiit in cineres una suprema dies.

Condyle dum superas, praesentibus utere rebus;

Quis negat aeternum mors inimica frui.

Donaria Xerxi oblata

Dona ferunt proceres generis restantia luxum,

Et, sua ne desint munera, pauper aquam.

Illi magna satis Tibi dona dedisse videntur.

Plus Tu, Rex, inopem crede dedisse manum.

In Battarum

Mathusala longum si, Battare, vixeris aevum;

O quàm ridiculus, Battare, Codrus eris!

In cocum

ET proavo narras & avo Te Consule natum &
Præceptum fato fascibus esse patrem.
Hoc differs : illi jus ortâ lite ferebant :
Tu, gula si poscat luxuriosa, coquis.

Ad Casp. Cunradum

HEroas longo donet magna Ilias ævo :
Extingvent Vates secula nulla Tuos.
Quid mihi non donas unus pars maxima Vatum,
Si Vates inter pars legor una Tuos?

In Probum

SAcrilegum soleo cùm Te, Probe, dicere furem &
Nescio, quid dicas : velle negare puto.
Dico scortorum centum, Probe, lustra Tuorum :
Heic iterum mussas : velle negare puto.
Quiddam mentitus vis ne, Probe, mentiar ultrâ?
Prævis eris posthac : non potes esse Probus.

In Didymum

UXorem Didymus se ducere velle negavit,
Sive foret virgo, seu viduata viro.
Duxit : & hanc potuit non mendax ducere. Qualem?
Quæ nec erat virgo, nec viduata viro.

In Gallicum

NOste sub obscurâ conviviva Marcha frequentas,
Nec rodit ante, ruat quàm manifesta dies.
Cum placeant alii mores Tibi conjugis, illos
In fragili sexu dissimulare soles.
Gallice, sola mora est in crimine. Gallice, mores
Hos si ferre potes ; Thaida ferre potes.

In Allium

Qui Musas Ciceronis amas noctesq; Catonis,
Næ magnos, Alli, quos imiteris, habes.
De nomine **GVSTAVI** Augustiſſi:
Svecor: Regis.

GUSTAVO puero, quod sola modesta probares,
AVGVSTI nomen noluit esse pater.
Vis occulta fuit factorum; ut grammasi versis,
Quod tribuunt ultero secula nostra, daret.

In Paullum

Esse bonum in populo Vatem me, Paulle, negasti.
At Paulus, dixi, nec malus esse potesſe.
Me Clarii proceres verè hoc dixisse fatentur.
De me quid credent hi Tibi, Paulle! nihil.
Ad Magnif. & Nobiliſſi: Dn.

Ioannem Nicod. ab A=

hausen Commiss. Reg. Spons.

Nicodama, externis Tibi ducitur uxor ab oris:
Lecta nec est patrio nostra puella solo.
Accendit vestras Serinum nobile tædas:
Accendit nostras urbs Mariana faces.
Fortè rogas, vestros quo voto prosequar ignes?
Non alio, quàm quo prosequor ipse meos.

Ad eundem

Dixi ego, Nicodama Gothici fax ardua cæli,
Vicinâ Catharan nuper ab urbe domum.
Sexta dies aderat, cum mania nostra relicto
Conspexit Viadro Te comitatus virum.

*Salva Tibi sit nupta recens. Mea Cathrula langveris
Cui dolor assiduus pungit utrumq; latus.
Non silet illa, licet sint alta silentia noctis:
Nox illi placidum nulla papa ver habet.
Aut ego fata meis damno contraria fatis,
Aut animum solor spe meliore meum.
Sed nitat precibus, quæ conscia Numina tangent.
Non ea turbari gaudia nostra volent.
Iam cur non veniam Tecum discumbere iussus,
Nonne satis causa est? quæ mihi mæsta satis.*

Nuptiis Æmilii Ori

DEsponsæ nondum cum diceret Orus Elise:
*Te mihi, virgo, nihil carius esse potest;
Reddidit hæc: vix, Ore, sapis. Nisi Numina curæ
Sunt Tibi præcipue, non potes esse meus.
Pacta Dei cultum, thalamos est pacta jugales.
Virite. Cultores diligit ille suos.*

Ad Ponticum

QVales Parrhasii commendat fama tabellas,
*Et quibus in totâ non facit urbe pares,
Si spernit pictor Lysias; quid, Pontice, mirum?
Nam pictor Lysias non habet, unde probet.
Est illi satis hoc, se commendare tabernis,
Et Libycam in ratiū pingere fronte feram.*

In Marcum

Certè aliquid, Marce es: vis hoc quoq; Marce, videri.
*Et sunt, non humili qui Tua laude ferant,
Hinc statuas famæ sacrant memoresq; columnas:
Hic, æris, solidi marmoris ille probat.*

*Tu figulogenitus mensas imitare modestas
Trinacrii Regis. Fictile surgat opus.*

In Alcmaëona

Laudantur faciles, genitor si iusserit, aures:
Laudantur faciles, si velit ille, manus.
*Et modus Alcmaeon. Nam quamcumq; est, improbez per Te
Cum vitam amittat, qua Tibi vita fuit.*

In Grillum

Si pictis solito Pomona sit equior hortis,
Si metuat ramis arbor onusta suis,
Colligis in parvas pyra corbes: mittis amicis
Et vis non parvi muneris esse loco.
*Ne majora darem, ne forsan, Grille, requiras;
Restitui puero dona minora Tuo.*

Ad Iacobum

Sepe minora negas ulero majora daturus,
Vt iam plus videar jam petuisse minus.
*Sic ais: et toties miraris tempora voris
Atera cum faveant, illa negata Tuis.
Scilicet hoc ipsum est, Iacobe: In tempore qui non
Quamvis paucarogatur, plus tamen ille rogatur.*

In Paullum

Quatuor à solis Tua carmina, Paule, leguntur.
Hinc quoq; Te Vatem quatuor esse ferunt.

De Theodoro

Irato coram Theodoro iudice causam
Dixiturus (furtinam manifestus erat)

*Lex, ais, absolvit Furci mens conscia non est.
In manibus viscum credo latere meis.*

Ad Corradum

A Vrem livori, Corrade, utramq; dedisti;
Causa q; non uno iudice nostra ruit.
Saltem unam nobis aurem, Corrade, dedisses;
Dixisses forsan: non mala causa Tua est.

Idem diversorum factum

Non trutinat sapiens, non spectant Numina factum.
Qualis es ipse, Tuum tale videtur opus.
Fecerunt eadem cum Bruto Cassius: illo
Laudato visus Cassius esse reus.

Appetitus varietas

Grata caro pictis est vervecina Britannis:
Lac patrui pecoris Belga sonorus amas.
Si desunt lepores, legitur virulina Borussis.
Hac alit in Frisis rustica turba canes.
Exsuctas pueris mater dat Sverva medullas;
Alpinam sequitur Rhetia dura feram.
Quae legat halecem, gens est contermina Cattis.
Hanc Sala det patrius, vix leve munus erit;
Sarmatiae populum constancior urit orexis.
Est in marcenti pisce, quod ille prober.
Ostrea sunt Italis: laudant Bajana Poeta.
Cultorem Thules pinsus asellus alit.
Quid mirum? regione una rectisq; sub isdem
Spernit hic aut odit, quos parat ille cibos.

In homicidam

Seu Pelusiacas tentes descendere cryptas;
Sive Tuae pateant extrema te fuga;
Tecum fers stimulos animi, calidumq; furorem;
Tecum est admissa conscia dextra necis.
Si fugis ergò locum sceleris, nec Te ex suis ipsum;
Demere quid poenae caeca Megera potest;
Aut non majori flagrum contorqueat irâ,
Si causâ in visum Te penes usq; cadis?
Na licet accensum falles indagine lassum;
Vltrices nequeas comminuisse faces.

De Icaro

Icare, cùm præceptis rapteris in aquoris undas;
Pro penis cuperes juncum habuisse suis.

De Paulo

Nil saperet Paullo; melimela & Chia ministres;
Quid queris? Paullus caput habere malè.
Sollicitus partem tangebatur Clinicus omnem.
Pars confessa gravem deniq; nulla luen est.
Ergò, ait, obscuri sint incrementa doloris?
Ante diem sextam nil, volo, Paullus edat.

Nuptiis vidui & puellæ

O Displacidos, infelix Clara, parentes:
Nec magis imperium non grave matris amas;
Quæ potes horribili Tua tradere jura marito;
Et furiosa novi tecta subire laris.
Hunc vultum, hos mores animo Tunc adspicis equos?
Nec metuis rigidis oscula ferre labris?
Quæ Tibi mens, nasus risu cùm personat ingens;
Quem fletum pueris sistere posse putem?

K

Sive

*Sive ita describunt, seu sis delusa per arces;
Pars vita melior jam Tibi, Clara, fuit.*

Martini Valceri

H*anc Tibi uterq; parens olim, Valcere, negarat:
Et fieri rigidus posse negat avus:*

*Patruus adversum steterat: patruelis amantem
Oderat. Antiquum hoc in genus esse ferunt.*

*Damnat uterq; parens iram causasq; priores:
Defunctoq; fovet Te patruelis avo.*

*Patruus ingenuos mores animumq; probavit;
Et fratri est ausus conciliare prior.*

*Ve patrem vidit, letata est Anna, faventem.
Nam Tibi jus olim cesserat una suum.*

*Nunc gaude: propriamq; fore inter basia: qua Te
Nunc verâ gaudet dicere voce suum.*

*Quamcumq; in satis placidos disjungere vultus,
Valcere, ah veniat serior illa dies!*

Cottabus

C*ottabon illiso meditecur Gracia vino.
Romanâ Teuto simplicitate bibis.*

Ad Paulum Silvium

C*ognite jam lustris mihi, Sylvi Paulle, duobus:
Ingenio cujus nixa Camœna mea est.*

*Tunc cum Varniaci conjunctâ mente Roseti
Solvimus armatae debita vota Deae.*

*Tres illi menses studio fervente sacraras,
Ex voto menses sex Tibi junctus eram.*

*Te sine Leucoridum celebrata Lycœa petebam;
Quâ sua diuinus busta Philippus habet.*

Tempor

Tempore ab hoc patria vixi privatus in orbe.
Tu patriæ peragis munia summa Tua.
Hac iter expediens Drusi despectis ad urbem ?
Et de me certus non satis antè rogas.
Vivo. Non famulus non curia plura papyro
Committo. Si me diligis; ipse venit.
Fortè indigna Tuo, Silvi, splendore parantur.
At genio ponam sæpe probata Tuo.

Ad Carolum Mannum

Parva munus aqua promittis, Carole, turdum;
Pullorum Cordus juncula blanda trium.
Cum prior invitet, faciet mihi prandia Cordus;
Turdum, cum fuerit Carole cæna, dabis.

Ad sodales in venatu

In medias leporum sequimur vestigia silvas:
Et lustrant latebras frondea septa canes.
Me venante simul condit pia Delia prædam;
Et fratrè redat me jubet antè suo.

De villâ Fel. Fidleri

Rura colis, Felix: ô si melioribus annis!
Se meritò ferrent nomine digna Tuo.
Pascua sunt pecori, sæcunda novalia, silva;
Littora piscosi despicis alta maris.
Talia dum laudat Veneris Musa Poetæ:
Rus voluisse Tuum dicere visa mihi est.

Epithalamium Antonii Capri

Quid fuit, ut patrius posses excedere lectus,
Annosi thalamis virgo petita capræ?

Cornua non teneram poterant terrere puellam?

Durities cordi non fuit illa Tibi?

O albam niveo deceptam vellere mentem!

Seu quid inest hirci dignius ore capri.

Sed caprum, cuius Tibi dulce quiescere lecto,

Barba Tibi dixit robur habere viri.

Martha virum amplexa est, juveniles spre vitæ amores.

Tam certo felix sit duce Martha viro.

In Gelliam

Gellia, quod nescis, hoc à Te filia discat?

Filia ridicula est, Gellia: Tu fatua es.

In blattam

Ausa quiescentes spatio brevior libellos

Rodere, nã damni plus mihi blatta dabis.

At cur non vacuã potius saturare papyro?

Aut tantum doctæ quid nocuere manus?

Sed quæram latebras: nec inultâ morte peribis.

Sed pereas, ne post pabula mentis edas.

Ad Theoph. Cordum

Ad cœnam me, Corde, vocas: sed oluscula pones.

Vt Tibi condicam filia parva rogat.

Me Grillus Lippusq; vocant, rectamq; loquuntur.

Ingenium & mensas diligo, Corde, Tuas.

In Faustinum

In censum iudex datus es, Faustine, minorem?

Teq; velut Numen vulgus adorat iners.

Hunc Tibi deberi falsò quòd credis honorem,

Credis & aequales Te superasse Tuos.

Non

*Non oculum vulgi, doctorum lumina posse.
Momentum solidi pectus honoris habet.*

In Quinctum

Q*ueritur, an conjux Tua non sit rectius Hermi,
Dat nodos Hermo: dat Tibi, Quincte, diem.*

In statuam Neronis

H*æc statua Aeneada est munus silvestre Neronis.
Si foret è saxo, jam foret ipse Nero.*

Amor inconsultus.

O*stolidos juvenes! vidi par ruper amantum:
Sollicitus quorum pectus edebat amor.*

*Sævitum properè est. Cum sumeret altera ferrum,
Compositos thalamo viderat una dies.*

*Quàm non absurdum est, uno junxisse Poetas
Formosam Venerem Mulciberemq; thoro.*

Andreae Sacorio

N*on ego præscripsi, quod diceris esse, Sacori.
Nam mea non dixit litera: Consul habet.*

*Da veniam & voces & res edocte Latinas.
Romanâ tantum Consul in Vrbe fuit.*

*Sed sit, cum vulgo nostrâq; ætate loquamur:
Vix tamen hæc patitur nomina noster amor.*

Ad Ferrandum Hessem

N*escio si noster possit conviva vocari,
Ad cœnam quàm vis veneris, Hesse, meam.*

*Gobius est nostro vitulinaq; lecta palato:
Carpo Te saturat massaq; salsa bovis.*

Dum

*Dum Rhenana mihi sapiunt, Tu Cretica posses.
Commune in cenâ quid fuit ergo meâ?*

In balneum

*S*int procul hinc pueri nondumq. experta maritum?
Nec videat nudos non mala turba viros.
Casta licet nostros spectet matrena lacerios:
Urgeat hirsutum conjugis illa femur.
Oscula ne liber. ne det sua brachia collo:
Sed thalamo placidi seruet amoris opus.

In stomachosum patremfamil:

*D*um puerum exortis puer alter libibuzurges,
Solllicitis implet questibus ille domum.
Non pateris fletus. animo cum seria cractes:
Et sourcem punis. Nunc flet uterq. puer.

In Asticum.

*A*stice, damnaris populi sermon. sinistro:
Et queritur sub Te iudice quisquis agit.
At quàmvis possit cuius Tua culpa videri:
Hoc venia tamen. hoc Astice laudis habes.
Fulgida dona capis. nempe hinc Tibi visus hebescit.
Et Tu pro magnomunere gratus homo es.

In Hattinium

*R*arius, Hattingi, fateor, mala carmina condis.
Nam mala cum facias, rarius illa facis.

Tumulus Geographi

*P*er vastum Oceanum, patula per climata terra,
Inq. alium ex alio movimus Orbe pedem.

*Nunc ride, ne se defunctus rideat ipsum:
Quem sub tres cubitos parva coepit humus.*

Cerevisiarii

*Q*uod illo pulvis & calida frumentum temperat unda,
Hac satur annorum parte quiescit humi.
Ante alios vario doctum miscere palato
Flevit ut amissum maxima turba patrem.

Pistoris

*T*am viridi placuit pistorem cessante condi.
Conveniunt pietas, ingeniosa manus.
Maesta domus simul ac in apertum effusa dolorem est.
Fletu etiam pueris immaeuere genae.

Aurifabri

*S*ollecem in varias aurum mutare figuras
Artificem praesens, quam teris, urna tegit.
Quaeraret graciles morbus cum letifer artus;
Materies luxus huic pietatis erat.
Missa proba est, inquit, quam seprima flamma recoxit:
Et nolim examen sustinuisse meum.

Cæmentarii

*C*essante in hoc viridi miserum posuere tribulem
Qui tecta aedificant maxima, parva colunt.
Adnixum pinna praecipit cum falleret asser,
Eger adhuc spirans talia verba dabat:
Discite, quos stimulus agitat temerarius ausus:
Ardua si fuerint, plus loca fraudis habent.

Pastoris

Qui solitis pecudis ad pascua duxerat horreo
E gelido solitis fonte daturus aquam,
Cum grege & ipse vagus cœliq; incommoda passus
Nunc spatio terræ sub breviori jaces.
Agricola flevêre fidem pastoris ademtam:
Mugituq; boum exhorruit omne nemus.


Cujusdam.


Mortarum hunc rerum dicunt monumenta peritum;
In vivis certè vir fuit ille rudis.


Ad Auctorem


Seu Tu, ZAMELI, quem mentis acumine, & oris
Flumine, & Aonio lumine IOVA beat;
Arma virumq; canis, gelidâ qui victor ab Arcto
Mispidos ad Tiliâs Tiliicæ castra fugat;
Tristia seu camti Regis, Phallosthene victo,
Fata doles hosti plus nocitura suo;
Seu, quæ Pythagoras docuit mysteria cubi,
Sanctius accipiunt Numen ab arte Tuâ;
Sive sacros celebra vates orante Cratino;
Nescia seu Flacco cedere plectra mores;
Sive notas vafro turpes epigrammate mores;
Mellea nectareo verba liquore fluunt.
Hinc Te noster amor (rumpantur ut ilia Marro),
Nicodamas merito munere laudat, amat;
Quod Te, ZameLI, sic mentis acumine, & oris
Flumine, & Aonio lumine IOVA beat.


M. Balb. Virdius.
















Biblioteka Jagiellońska

8100019523

